

四庫全書

集部

欽定四庫全書

文選卷三十七

梁 蕭統 撰

唐 李善 註

表

表者明也標也如物之標表言標著事序使之明白以曉主上得盡其忠曰表三王已前謂之敷奏

故尚書云敷奏以言是也至秦并天下改為表總有四品一曰章謝恩曰章二曰表陳事曰表三曰奏勅諭政事曰奏四曰駁推覆平論有異事進之曰駁六國及秦漢兼謂之上書行此五事至漢魏已來都曰表進之天子稱表進諸侯稱上疏魏已前天子亦得上疏

薦襦衡表

孔文舉

范曄後漢書云孔融字文舉魯國人也幼有異才性好學舉高第拜御史厯官

至將作大匠遷少府曹操既積嫌忌奏誅之下獄棄市

臣聞洪水橫流帝思俾乂

孟子曰當堯之時天下猶未平洪水橫流泛濫於天下尚

書曰湯湯洪水方割有能俾乂孔安國傳曰俾使乂治也

旁求四方以招賢俊

尚書曰旁

求天下孔安國曰旁非一方也

昔世宗繼統將弘祖業

世宗孝武廟諱也李奇漢書注

曰統緒也班固漢書紀述曰世宗繼統思弘祖業

疇咨熙載羣士響臻

尚書云帝曰疇

咨若時登庸又曰有能熙帝之載班固漢書述曰疇咨熙載髦俊並作響臻如應而至也孫卿子曰下之和上

譬響之應聲也

陛下睿聖纂承基緒

陛下謂獻帝也班固高紀述曰纂堯之緒爾雅曰纂

紀遭遇厄運勞謙日是

說文曰遇逢也周易曰勞謙君子有終吉尚書曰大王自朝至

于日中昃弗違暇食

惟岳降神異人竝出

毛詩曰惟岳降神生甫及申

竊見處

士平原禰衡年二十四字正平淑質貞亮英才卓犖

孟

曰得天下英才而教育之西都賓曰卓犖諸夏卓犖絕異也犖力角反

初涉藝文升堂觀

奧

論語云子曰由也升堂矣未入于室也爾雅曰西南謂之奧

目所一見輒誦於口

耳所暫聞不忘於心性與道合思若有神

淮南子曰所謂真人者性

合於道也弘羊潛計安世默識以衡準之誠不足怪

漢書曰桑弘羊

雒陽賈人子以心計年十三拜侍中又曰張安世字少孺為郎上行幸河東嘗亡書三篋詔問莫能知唯安世

識之具作其事後復購得書以相投
無所遺失上奇其能擢為尚書令

忠果正直志懷

霜雪見善若驚疾惡若讐

國語楚藍尹壹謂子西曰夫闔閭聞一善言若驚得

一士若賞謝承後漢書曰張儉清潔中正疾惡若讐

任座抗行史魚厲節殆無

以過也

呂氏春秋曰魏文侯飲問諸大夫寡人何如主也任座曰君不肖君也克中山不以封君

之弟而以封君之子是以知不肖君也文侯不悅次及翟璜曰君賢君也臣聞其王賢者其臣直是以知君之賢也文侯悅次曰微世賤物士之抗行也廣雅曰抗舉也論語子曰直哉史魚廣雅曰厲高也

鷙鳥累百不如一鶚

天記趙簡子曰鷙鳥累百不如一鶚

使衡立朝必

有可觀

論語子曰赤也東帶立于朝可使與賓客言又曰必有可觀者焉漢書成帝詔曰舉博士

使卓然可觀

飛辯騁辭溢氣空涌

全涌貌也

解疑釋結臨

敵有餘

七畧曰解紛釋結反之於平安

昔賈誼求試屬國詭係單于

漢書賈誼曰何不試以臣為屬國之官以主匈奴行臣之計必係單于之頸而制其命說文曰詭責也自

責必係單于也漢書曰况自說滅賊終軍欲以長纓牽致勁越

漢書曰南越與

漢和親乃遣終軍使南越說其王欲令入朝比內諸侯軍自請願受長纓必羈南越王而致之闕下說文

曰組綦小者為冠纓弱冠慷慨前代美之

說文曰慷慨壯士不得志於心賈誼終軍

皆年十八近日路粹嚴象亦用異才擢拜臺郎衡宜

與為比

典畧曰路粹字文蔚少學於蔡邕高才與京兆嚴象拜尚書郎象以兼有文武出為揚州

刺史粹後為軍謀祭酒
與陳琳阮瑀等典記室如得龍躍天衢振翼雲漢

李陵

詩曰策名於天衢班固漢書述曰舉
龍附鳳茲集天衢毛詩曰倬彼雲漢揚聲紫微垂光

虹蜺春秋合誠圖曰北辰其星七在紫微中也尸子曰虹蜺為析翳足以昭近署之

多士增四門之穆穆兩都賦序曰內設金馬石渠之署尚書曰賓于四門四門穆穆

鈞天廣樂必有奇麗之觀史記趙簡子曰我之帝所甚樂與百神遊天鈞天廣

樂凡奏萬物不類三代之樂其聲動心三帝室皇居必畜非常之寶應劭漢官儀曰

帝室猶古言王室尚書若衡等輩不可多得激楚陽阿

至妙之容掌伎者之所貪楚辭曰宮庭震驚發激楚王逆曰激楚清聲也淮南子曰

足蹠陽飛兔驤呂氏春秋阿之舞飛兔驤絕足奔放良樂之所急也曰飛兔驤

裹古之俊馬也又曰古者善相馬者若趙之王良秦之伯樂盡其妙也臣等區區敢不以

聞李陵書曰區區之心陛下篤慎取士必須効試乞令

衡以褐衣召見漢書劉歆曰臣衣褐衣褐見必無可觀采臣等受面

欺之罪漢書曰上以張湯懷詐面欺

出師表蜀志曰建興五年亮率軍北駐漢中臨發上疏

諸葛孔明蜀志云諸葛亮字孔明琅邪人也時先主屯新野徐庶謂先主曰諸葛孔

明乃臥龍也將軍豈欲見之乎先主遂詣見之及即帝位拜為丞相後主即位十二年卒

臣亮言先帝創業未半而中道崩殂

孟子曰君子創業垂統

今天

下三分益州罷弊此誠危急存亡之秋也

歲以秋為功畢故以喻時

之要也馬衍與田邑書曰忠臣立功之日志士馳馬之秋

然侍衛之臣不懈於內忠

志之士亡身於外者蓋追先帝之遇欲報之於陛下也

過謂以恩相接也史記豫讓曰以國士遇我

誠宜開張聖聽以光先帝遺德

恢志士之氣

漢書各永上書曰王法納乎聖聽莊子盜跖曰此父母之遺德也

不宜妄

自菲薄引喻失義以塞忠諫之路也

方言曰菲薄也郭璞曰微薄也

宮

中府中俱為一體陟罰臧否不宜異同

毛詩曰嗚呼小子未知臧否何

林公羊傳注
曰否不也

若有作姦犯科及為忠善者宜付有司論

其刑賞以昭陛下平明之治不宜偏私使內外異法也

侍中侍郎郭攸之費禕

於宜

董允等

楚國先賢傳曰郭攸之南陽人以器

業知名蜀志曰費禕字文偉江人也後主襲位亮上疏
曰侍中郭攸之費禕然攸之與禕俱為侍中又曰董允
字休昭後主襲位遷黃門侍郎此皆良實志慮忠純是以先帝簡拔以

遺陛下愚以為宮中之事事無大小悉以咨之然後施

行必能裨補闕漏有所廣益也將軍向寵

蜀志曰向寵襄陽人也建

興元年為中郎督典宿衛兵遷中領軍性行淑均曉暢軍事

廣雅曰暢達也試用

於昔日先帝稱之曰能是以衆議舉寵為賢愚以為營中之事悉以諮之必能使行陣和穆優劣得所也親賢臣遠小人此先漢所以興隆也親小人遠賢士此後漢所以傾頽也先帝在時每與臣論此事未嘗不歎息痛恨於桓靈也

桓靈後漢二帝用閹豎所敗也

侍中尚書長史叅軍此悉

貞亮死節之臣也

蜀志曰建興二年陳震拜尚書又曰諸葛亮出駐漢中張裔領留府長史

又曰將琬遷叅軍統留府事

願陛下親之信之則漢室之隆可計日

而待也臣本布衣躬耕於南陽

說苑唐且謂秦王曰王聞布衣之士怒乎

苟

全性命於亂世不求聞達於諸侯

論語子張曰在邦必聞又孔子曰在邦必

達先帝不以臣卑鄙猥自枉屈

猥猶曲也言已曲蒙先帝自枉屈而來也

三

顧臣於草廬之中諮臣以當世之事

漢晉春秋曰諸葛亮家于南陽鄧縣

荆州圖曰鄧城舊縣西南一里隔沔有諸葛亮宅是劉備三顧處劉歆七略詩曰結構野草起室廬

由是

感激遂許先帝以驅馳

趙岐孟子章指曰千載聞之猶有感激也

後值傾覆

受任於敗軍之際奉命於危難之間爾來二十有一年

矣

裴松之蜀志注曰案劉備以建安十三年敗遣亮使吳亮以建興五年抗表北伐自傾覆至此整二十年

則備始與亮相遇在軍敗前一年也

先帝知臣謹慎故臨崩寄臣以大事

也

蜀志曰先主於永安病篤召亮成都屬以後事謂亮曰君才十倍曹丕必能安國終定大業若嗣子可輔

輔之如其不才君可自取亮涕泣曰臣敢竭股肱之力效忠貞之節繼之以死也

受命以來夙

夜憂歎恐託付不效以傷先帝之明故五月渡瀘深入

不毛

蜀志曰建興元年南中諸部並皆叛亂三年春亮率衆征之其秋悉平漢書曰瀘水出牂牁郡句町

縣史記鄭襄公曰君王錫不毛之地使復得政事君王何休曰燒壩不生五穀曰不毛句求俱切町庭冷切

今南方已定兵甲已足當獎帥三軍北定中原

爾雅曰獎勸也

庶竭駑鈍攘除姦凶

廣雅曰駑駘也謂馬遜鈍者也毛萇詩傳曰攘除也

興復漢

室還于舊都此臣之所以報先帝而忠陛下之職分也

至於斟酌規益進盡忠言則攸之禕允之任也願陛下

託臣以討賊興復之效不效則治臣之罪以告先帝之

靈若無興德之言則戮允等以章其慢

蜀志載亮表云若無興德之言

則戮允等以章其慢今此無上六字於義有關誤矣

陛下亦宜自謀以咨諏足善

俱

道察納雅言深追先帝遺詔

王逸楚辭注曰課試也毛詩曰載馳載驅周爰咨諏毛萇

曰訪問於善為咨事為諏論語曰子所雅言南都賦曰奉先帝而追孝也

臣不勝受恩感激

今當達離臨表涕泣不知所云

求自試表

魏志曰太和二年植還雍丘植常自憤怨抱利器而無所施上疏求自試

曹子建

臣植言臣聞士之生世入則事父出則事君

論語子曰出則事公

卿入則事父兄

事父尚於榮親事君貴於興國故慈父不能愛

無益之子仁君不能畜無用之臣

墨子曰雖有賢君不變無功之臣雖有慈

父不愛無益之子

夫論德而授官者成功之君也量能而受爵

者畢命之臣也

史記樂毅報燕惠王書曰察能而授官者成功之君也孫卿子曰論德而定次

量能而授官君子之所長也尸子曰君子量才而受爵量功而受祿

故君無虛授臣無虛

受虛授謂之謬舉虛受謂之尸祿詩之素餐所由作也

韓詩曰何謂素餐素者質也人但有質朴而無治民之材名曰素餐尸祿者頗有所知善惡不言默然不語苟

欲得祿而已

昔二虢不辭兩國之任其德厚也

左氏傳晉侯假

道於虞以伐虢宮之奇諫曰虢仲虢叔王季之穆恒為王卿士黜在盟府孫卿子曰德厚者進廉節者起也

旦奭不讓燕魯之封其功大也

史記曰武王殺紂封周公旦於少昊之墟曲阜

是為魯公又曰周武王封召公奭於燕

今臣蒙國重恩三世于今矣

三世謂文

武明也正值陛下升平之際

陸下明帝也孝經鈞命決曰明王用孝升平致譽

沐浴聖澤潛潤德教可謂厚幸矣

史記太史公成王作頌沐浴膏澤孝經曰德教

加于百姓而位竊東藩爵在上列

論語子曰臧文仲其竊位者與漢書中山靖王曰位

雖早也得身被輕煖口厭百味孝經援神契曰甘肥適口輕煖適神墨子曰衣

為東藩服之法冬則練帛之中是以為輕且目極華靡耳倦絲

竹者爵重祿厚之所致也鄭玄禮記注曰致之言至也退念古之受

爵祿者有異於此皆以功勤濟國輔主惠民爾雅曰濟益也今

臣無德可述無功可紀若此終年無益國朝將挂風人

彼其之譏毛詩彼其之子不稱其服是以上慙玄冕俯媿朱紱同禮曰王

之五冕玄冕朱紱禮記曰諸侯佩山方今天下一統九

州晏如尚書大傳曰周公一統天下合顧西尚有違命

和四海然一統謂其統緒也

之蜀東有不臣之吳使邊境未得稅甲謀士未得高枕

者

爾雅曰枕舍也漢書賈誼曰陛下高枕重統無山東之憂

誠欲混同宇內以致太

和也

法言曰或問太和曰其在唐虞成周也季軌曰天下太和

故啟滅有扈而夏

功昭

尚書序曰啟與有扈戰于甘之野史記曰啟遂滅有扈氏天下咸朝夏

成克商奄而

周德著

尚書曰武王崩三豎及淮夷叛周公相成王將黜殷命孔安國曰三豎管蔡商也淮夷徐奄之

屬史記曰成王東伐淮夷徐奄

今陛下以聖明統世將欲卒文武之功

繼成康之隆

注曰統總覽也毛詩序曰文王之功起於周之令德以喻魏之先主也臣瓚漢書

右稷春秋歷序曰成王之隆澧泉涌

簡良授能以方叔召虎之臣鎮衛四

境為國爪牙者可謂當矣

爾雅曰簡擇也毛詩曰方叔涖止其車三千又曰江漢之

游王命邵虎又曰祈父予王之爪牙

然而高鳥未挂於輕繳淵魚未懸於

鉤餌者恐鈞射之術或未盡也

高鳥淵魚喻吳蜀二主也

昔耿弇不

俟光武並擊張步言不以賊遺於君父也

東觀漢記曰耿弇討張步

陳俊謂弇曰虜兵盛可且閉營休士以待上來弇曰乘輿且到臣子當擊牛醢酒待百官反欲以賊虜遺君父

邪及出大戰自旦及昏大破之弇古舍切

故車右伏劍於鳴轂雍門刎首於

齊境

說苑曰越甲至齊雍門狄請死之齊王曰鼓鐸之聲未聞矢石未交長兵未接子何務死知為入臣

之禮郭雍門狄對曰臣聞之昔王田於囿左轂鳴車右請死之王曰子何為死車右曰為其鳴吾君也王曰左轂鳴

此者工師之罪也子何為死車右曰吾不見工師之乘而見其鳴吾君也遂刎頸而死有之乎齊王曰有之雍門狄曰今越甲至其鳴吾君豈左轂之下哉車右可以死左轂而臣獨不可以死越甲邪遂刎頸而死是日越人引甲而退七十里齊王莖雍門子以上卿若此二子豈惡生而尚死哉誠

忿其慢主而陵君也夫君之寵臣欲以除害興利

尸子曰禹

興利除害為萬民種也

臣之事君必殺身靜亂以功報主也昔賈

誼弱冠求試屬國請係單于之頸而制其命終軍以妙

年使越欲得長纓占其王霸致北闕

賈誼終軍已見薦禍衡表爾雅曰占

隱也郭璞隱度之

此二臣豈好為夸主而耀世俗哉志或鬱結

欲逞才力輸能於明君也昔漢武為霍去病治第辭曰

匈奴未滅臣無以家為

漢書文也

固夫憂國忘家捐軀濟難

忠臣之志也

趙岐孟子章指曰憂國忘家

今臣居外非不厚也而寢

不安席食不遑味者伏以二方未尅為念

戰國策曰秦王告蒙驁曰

寡人一城圍食不甘味臥不便席

伏見先帝武臣宿兵年耆即世者有

聞笑

左氏傳子朝曰太

雖賢不乏世宿將舊卒由習戰也

史記曰王翦宿將始皇師之

竊不自量志無效命庶立毛髮之功以

報所受之恩若使陛下出不世之詔效臣錐刀之用

史記

曰欲治之主不世出東觀漢書記黃使得西屬大將軍
看上疏曰以錐刀小用當見宿留也

當一枝之隊

魏志曰太和二年遣大將軍曹真擊諸葛亮於街亭司馬彪漢書曰大將軍營伍部

校尉一人

若東屬大司馬統偏師之任

魏志曰太和二年大司馬曹休率諸軍至

皖臣瓚漢書注曰統猶總覽也

必乘危躡險騁舟奮驪

禮記曰夏后尚黑戎事乘驪鄭

玄曰馬黑色曰驪

突刃觸鋒為士卒先

漢書伍被曰大將軍當敵勇常為士卒先雖

未能禽權馘亮庶將虜其雄率殲其醜類

鄭曰毛詩箋曰馘所獲之

左耳也爾雅曰馘盡也又曰醜衆也

必效須臾之捷以滅終身之愧

杜預左氏

傳注曰捷獲也

使名挂史筆事列朝榮雖身分蜀境首懸吳闕

猶生之年也

北征賦曰首身分而不寤漢武帝遣使者告單于曰南越王頭已懸於漢北闕傳武

仲與荆文姜書曰雖死之日猶生之年

如微才不試沒世無聞

論語君子疾沒世而

名不稱

徒榮其軀而豐其體生無益於事死無損於數虛

荷上位而忝重祿禽息鳥視終於白首

鄭玄周禮注曰凡鳥獸未孕曰

禽此徒園牢之養物非臣之所志也

說文曰園養獸閑也鄭玄周禮注曰牢

閑也流聞東軍失備師徒小

漢書王音曰失行流聞魏志曰休至晚與吳將陸遜

戰於石亭敗績戰猶挫折也

輟食弃餐奮袂攘袵撫劍東顧而心已馳於

吳會矣

鄭玄周禮注曰攘却也謂却拔袵也左氏傳曰子朱撫劍從之

臣昔從先武皇帝南極赤

岸東臨滄海西望玉門北出玄塞

七發曰凌赤岸簪扶桑山
謙之南徐州記曰京江禹

貢北江有大濤濤至乘北激赤岸尤更迅猛漢書燉煌
郡龍勒縣有玉門關玄塞長城也北方色黑故曰玄

伏見

所以行軍用兵之勢可謂神妙矣

孫子曰兵與敵變化
而取勝者謂之神

故兵者不可豫言臨難而制變者也

孫卿曰水因地而
制行兵因敵而制

勝志欲自效於明時立功於聖世每覽史籍觀古忠臣

義士出一朝之命以殉國家之難

司馬遷書曰李陵奮
不顧身以殉國家之

急身雖屠裂而功銘著於景鍾名稱垂於竹帛未嘗不

拊心而歎息也

國語晉悼公曰昔克路之役秦來圖敗
晉攻魏顓以其身却退秦師于輔氏親

止杜回其勲銘於景鍾韋昭曰景鍾景公鍾臣聞明主也墨子曰以其功書於竹帛傳遺後子孫也

使臣不廢有罪故奔北敗軍之將用秦魯以成其功

史記

曰秦繆公使百里奚子孟明視蹇叔子西乞術及白乙內將兵襲鄭晉發兵遮秦兵於殽虜秦三將以歸後還秦三將穆公復三人官秩復使將兵伐晉大敗晉人以報殽之役又曰曹沫者魯人也以勇力事魯莊公為魯將與齊戰三敗北魯莊公懼乃獻遂邑之地以和猶復以為將齊桓公許與魯會于柯而盟桓公與莊公既盟於壇上曹沫執匕首却齊桓公公問曰子將何欲曹沫曰齊強魯弱而大國侵魯亦已甚矣今魯城壞即壓境君其圖之桓公乃許盡還魯之絕纓盜馬之臣赦楚趙使地曹沫三戰所亡盡復于魯

以濟其難

說苑曰楚莊王賜羣臣酒日暮華燭滅有引王美人衣美人乃挽絕冠纓告王知之王曰

賜人酒醉欲顯婦人之節吾不取也乃命左右勿上火與寡人飲不絕纓者不懼也羣臣纓皆絕盡懼而去後與晉戰引美人衣者五合五獲以報莊王呂氏春秋曰昔者秦穆公乘馬右服失之野人取之繆公自往求之見野人方將食之於岐山之陽繆公笑曰食駮馬之肉不飲酒余恐傷汝也徧飲而去韓原之戰晉人已環繆公之車矣晉梁靡已扣公左驂矢野人嘗食馬於岐山之陽者三百餘人畢力為繆公疾闘於車下遂大克晉及獲惠公以歸此秦而謂之趙者史記曰趙氏之先與秦共祖然則以其同祖故曰趙焉臣竊感先帝早崩威王

棄世

先帝謂文帝也魏志曰
任城王彰薨諡曰威

臣獨何人以堪長久常恐先

朝露填溝壑

漢書李陵謂蘇武曰人如朝露列女
傳梁寡婦曰妾之夫犬犬馬填溝壑

墳土未

乾而身名並滅

漢書霍禹曰將軍墳土未乾李宏
武功謂曰身非金石名俱滅焉

臣聞其

驥長鳴伯樂昭其能

戰國策楚客謂春申君曰昔駢騏驎駕車中坂遠延負轅而不能進遭伯樂

仰而長鳴彼見伯樂之知己也今僕屈厄久君獨無意使僕為君長鳴也

盧狗悲號韓國知其

才

戰國策曰齊欲伐魏淳于髡謂齊王曰韓子盧者天下之壯犬也東郭餽者海內之狡兔也韓子盧逐東郭餽

環山者三騰山者五兔極於前犬疲於後犬兔俱罷各死其處田父見之而擅其功今齊魏相持臣恐強秦大楚承其後有田父之功高誘曰韓國之盧犬古之名狗也然悲號之義未聞也

是以效之齊楚之路

以逞千里之任

齊楚言遠也孫卿子曰夫驥一日而千里也

試之狡兔之捷以

驗搏噬之用今臣志狗馬之微功竊自惟度終無伯樂韓

國之舉是以於悒而竊自痛者也

楚辭曰長呼嗟以於悒王逸曰於悒啼貌也

夫臨博而企竦聞樂而竊抃者或有賞音而識道也

說文曰博

局戲也六箸十二棊又曰企舉踵也竦猶立也說文曰抃相也

昔毛遂趙之陪隸猶假錐

囊之喻以寤主立功

史記曰秦之圍邯鄲趙使平原君求救合從於楚約與食客門下有勇力

武備具者二十人偕得十九人餘無可取者毛遂前自讚於平原君君曰先生處勝之門下幾年於此矣遂曰三年於此矣平原君曰夫賢士之處俗譬若錐之處囊中其末立見今先生處勝之門下三年勝未有所聞毛遂曰臣乃今日請處囊中耳使遂蚤得處囊中乃顯脫而出非特其未見而已也平原君竟與毛遂偕十九人平原君與楚合從日出而言日中不決毛遂按劍歷階而上曰合從者為楚非為趙也楚王曰唯謹奉社稷以從

何況魏

魏大魏多士之朝而無慷慨死難之臣乎夫自街左自媒

者士女之醜行也

越絕書曰范蠡其始居楚之越越王與言盡日大夫石買進曰街女不貞街士

不信客應諸侯度河津無因自致殆不真賢也

干時求進者道家之明忌也

莊子曰功

成者蒙名成者虧孰能去功與名而還與衆人

而臣敢陳聞於陛下者誠與國分

形同氣憂患共之者也

呂氏春秋曰父母之於子也子之於父母也一體而分形同氣血而

異息疾痛相救憂思相感生則相懼死則相哀此之謂骨肉之親也

冀以塵露之微補益山

海

謝承後漢書楊喬曰猶塵附泰山露集滄海雖無補益款誠至情猶不敢嘿

螢燭末光增輝

日月

淮南子曰人主之居也如日月之明也

是以敢冒其醜而獻其忠必知為朝

士所笑聖主不以人廢言

論語子曰君子不以人廢言

伏惟陛下少垂神

聽臣則幸矣

求通親親表

魏志曰大和五年植上疏求存問親戚自致其意也

曹子建

臣植言臣聞天稱其高者以無不覆地稱其廣者以無

不載日月稱其明者以無不照

禮記子夏問曰何謂三無私孔子曰天無私覆

地無私載日月無私照此之謂三無私

江海稱其大者以無不容

管子曰海不辭

水故能成其大墨子曰江河不惡小谷之滿已也故能大

故孔子曰大哉堯之為

君惟天為大惟堯則之

論語文也

夫天德之於萬物可謂

弘廣矣蓋堯之為教先親後疏自近及遠其傳曰克

明峻德以親九族九族既睦平章百姓

孔安國曰能明俊德之士

任用之以睦高祖玄孫之親也又曰既已也百姓百官也言化九族而平和章明也

及周之文

王亦宗厥化

鄭玄禮記注曰宗猶尊也

其詩曰刑于寡妻至于兄

弟以御于家邦

毛萇曰刑法也鄭玄云御治也寡妻寡有之妻文王以禮接其妻至於宗

族又能為政治於家邦

是以雍雍穆穆風人詠之

毛詩曰有來雍雍又曰天

子穆穆

昔周公弔管蔡之不咸廣封懿親以藩屏王室

左氏傳富辰曰周公弔二叔之不咸故封建親戚以藩屏周室馬融曰二叔管蔡也

傳曰周之

宗盟異姓為後

左氏傳曰滕侯薛侯來朝爭長公使羽父請於薛侯曰周之宗盟異姓為後

誠骨肉之恩爽而不離

漢書宣帝詔曰益聞象有罪舜封之骨肉之親象而不殊如淳

曰象或為散爾雅曰爽差也

親親之義寔在敦固

禮記曰君子賢其賢而親其親

未有義而後其君仁而遺其親者也

孟子曰其親者也未有仁而遺

後其君者也

伏惟陛下咨帝唐欽明之德

尚書曰放勳欽明

體文王

翼翼之仁

毛詩曰惟此文王小心翼翼

惠洽椒房恩昭九親

漢書儀曰皇后

稱椒房詩椒聊之實蔓延益升美其繁興九親猶九族

羣臣百寮番休遞上

列子曰巨

蹇迭為三番江偉上便宜曰上下郎吏計作四五番休

執政不廢於公朝下情得

展於私室親理之路通慶弔之情展誠可謂恕已治人

推惠施恩者矣

論語子貢問曰一言可以終身行之者乎子曰其恕乎己所不欲勿施於人三

略曰良將恕已而治人又曰推惠施恩士力日新

至於臣者人道絕緒禁固明

時臣竊自傷也

左氏傳曰中公巫臣奔晉子反請以重幣銅之杜預曰禁固勿仕也銅與固通

不敢乃望交氣類修人事叙人倫

謝承後漢書曰相礪鄙營氣類毛詩序曰

成孝嚴厚人倫

近且婚媾不通兄弟永絕吉凶之問塞慶弔之

禮廢恩紀之違甚於路人

蘇子卿詩曰誰為行路人

隔闕之異殊於

胡越

淮南子曰自其異者視之肝膽胡越許慎曰胡在北方越在南方

今臣以一切之

制永無朝覲之望

漢書音義曰一切權時也

至於注心皇極結情紫

闡神明知之矣

尚書考靈耀曰建用皇極朱均曰建立也皇大極天也崔駰達宜曰攀台階闡

紫然天寔為之謂之何哉

毛詩國風文

退省諸王常有戚戚

具爾之心

毛詩曰戚戚兄弟莫遠具爾

願陛下沛然垂詔

孟子曰油然作雲沛

然下

使諸國慶問四節得展以叙骨肉之歡恩全怡怡

之篤義

論語子曰兄弟怡怡如也

妃妾之家膏沐之遺歲得再通

毛詩

曰豈無膏沐

齊義於貴宗等惠於百司如此則古人之所嘆

風雅之所詠復存於聖世矣臣伏自惟省無錐刀之用

東觀漢記黃香上疏曰以
及觀陛下之所拔授若以臣
鉏刀小用蒙見宿留也

為異姓竊自料度不後於朝士矣若得辭遠游戴武弁

蔡邕獨斷曰遠遊冠者王侯
所服傅子曰侍中冠武弁
解朱組佩青紱

朱組紱已見自試表

注漢書曰凡二千
石以上銀印青綬
駙馬奉車趣得一號

漢書曰奉車都尉掌御乘輿車

駙馬都尉掌駙馬
說文曰駙近也
安宅京室執鞭珥筆

論語子曰富而可求雖執鞭之

士吾亦為之
韃侍從珥筆戴筆也
漢書趙邛曰張安世持橐筆筆張

晏曰近臣負
橐筆從也
出從華蓋入侍輦轡

劉歆逐初賦曰奉華蓋於帝側胡廣漢官

解詁注曰轡下諭在
輦轡之下京兆之中
承答聖問拾遺左右

漢書曰議郎掌顧問應對

又曰蕭望之劉更生
乃臣丹情之至願不離於夢想者也

遠慕鹿鳴君臣之宴

毛詩序曰鹿鳴宴羣臣嘉賓也

中詠棠棣匪他之

誠

毛詩序曰棠棣燕兄弟也毛詩曰豈伊異人兄弟匪他

下思伐木友生之義

毛詩

序曰伐木燕朋友故舊也詩曰矧伊人矣不求友生

終懷蓼莪罔極之哀

毛詩蓼莪曰父

今生我母兮鞠我欲報之德昊天罔極

每四節之會塊然獨處左右唯僕

隸所對唯妻子高談無所與陳發義無所與展未嘗不

聞樂而拊心臨觴而歎息也

漢書曰中山靖王勝來朝天子置酒勝聞樂聲而泣對曰臣聞悲者

不可為黍歌思者不可為歎息今臣心結日久每聞幼妙之聲不知涕泣之橫集

臣伏以為犬馬

之誠不能動人譬人之誠不能動天崩城隕霜臣初信

之以臣心況徒虛語耳

列女傳曰杞梁妻者齊杞梁殖之妻也齊莊公襲莒殖戰死杞

梁之妻無子内外皆無五屬之親既無所歸乃就其夫屍於城下而哭之內誠動人道路過者莫不為之揮涕

十日而城為之崩淮南子曰鄒衍盡忠於燕惠王若蔡王信譖而繫之鄒子仰天而哭正夏而天為降霜

霍之傾葉太陽雖不為之迴光然終向之者誠也

淮南子曰

聖人之於道猶葵之與日雖不能終始哉其鄉之者誠也

臣竊自比葵藿若降天地

之施垂三光之明者寔在陛下臣聞文子曰不為福始

不為禍先

文子曰與道為際與德為隣不為福始不為禍先范子曰文子者姓辛葵丘濮上人也稱

曰計然南遊於越范蠡師事今之否隔友于同憂而臣獨唱言者何

也

廣雅曰否隔也尚書曰友于兄弟

竊不願於聖代使有不蒙施之物

必有慘毒之懷故柏舟有天只之怨谷風有棄予之

歎

毛詩柏舟曰母也天只不諒人只毛萇曰諒信也母也尚不信我也又谷風曰將安將樂汝轉棄予

伊尹恥其君不為堯舜

尚書曰昔先正保衡作我先王乃曰予弗克俾厥後惟堯舜其

心愧恥若撻于市

孟子曰不以舜之所以事堯事其君者不敬

其君者也臣之愚蔽固非虞伊至於欲使陛下宗光被

時雍之美宣緝熙章明之德者

尚書曰允恭克讓光被四表協和萬邦黎民於

變時雍毛詩曰維清緝熙文王之典是臣悽悽之誠竊章明已見上文尚書曰百姓昭明

所獨守尚書傳曰悽悽懷鶴立企佇之心敢復陳聞者

戰國策曰吳入郢樊冒勃蕪翼陛下儻發天聰而垂神

聽也尚書曰天聰明神聽已見自試表

讓開府表

羊叔子

滅榮緒晉書云羊祐字叔子太山人能屬文為中書郎陳留王立封鉅平子世

祖受禪加散騎常侍後以祐都督荊州諸軍事又為車騎將軍開府儀同三司祐表讓後

以祐為征南大將軍開府辟召儀同三司薨

臣祐言臣昨出伏聞恩詔拔臣使同台司

昨出為沐浴而出在外台

司三公也為台司故言儀同三司威儀百物使同三司也

臣自出身以來適十數年

受任內外每極顯重之地

王隱晉書曰太祖引祐為從事中郎遷領軍事兼內外

常以智力不可彊進恩寵不可久謬夙夜戰慄以榮為

憂

中謝裴氏新語曰若薦其君將有所乞請中謝言臣誠惶誠恐頓首死罪

臣聞古人之言

德未為衆所服而受高爵則使才臣不進功未為衆所

歸而荷厚祿則使勞臣不勸

管子曰國有德義未明於朝而處尊位者則良臣不

進有功未見於國而有重祿者則勞臣不勸

今臣身託外戚事遭運會

王隱晉書

曰祐同產姊配景誠在過寵不患見遺而猥超然降發
帝為弘訓太后

中之詔加非次之榮

猥猶曲也孔融答曹公書曰來書想切訓誨發中

臣有何

功可以堪之何心可以安之以身誤陛下辱高位傾覆

亦尋而至

國語畢襄公曰高位寔疾顛左氏傳呂相曰傾覆我社稷

願復守先人弊

廬豈可得哉

莊子曰顏闔守陋閭左氏傳齊侯遇杞梁之妻于郊使弔之辭曰有先人弊廬在下

妾不得與郊弔

違命誠忤天威曲從即復若此

左氏傳齊侯對宰孔曰天威不

違願蓋聞古人申於見知

晏子春秋越石父謂晏子曰臣聞之士者屈於不知已而

申乎大臣之節不可則止

論語子曰周任有言曰陳力就列不能者止

臣雖

小人敢緣所蒙念存斯義今天下自服化已來方漸八

年

列子曰子產相鄭三年善者服其化

雖側席求賢不遺幽賤

國語曰越王夫入側

席而坐章昭曰側猶特也禮憂者側席而坐

然臣等不能推有德進有功使

聖聰知勝臣者多而未達者不少假令有遺德於版築

之下有隱才於屠釣之間

尚書序曰高宗夢得說說築傳岩之野孟子曰傳說舉於

版築之間郭璞三蒼解詁曰版牆上下版築杵頭鐵杵也尉繚子曰太公屠牛朝歌史記曰太公望呂尚以漁

釣奸周西伯

而令朝議用臣不以為非臣處之不以為愧所

失豈不大哉

遺賢不薦而謬處崇班非直身殃將為朝累今乃朝議用臣不以為非已累朝矣處

之又不以為愧已殞身矣且臣忝竊雖久未若今日兼此失豈不大哉言甚大也

文武之極寵等宰輔之高位也

文武謂車騎及開府等宰輔謂儀同三司

臣所見雖挾據光祿大夫李喜東節高亮正身在朝

晉諸

公讚曰喜字季和上黨人少有高行為僕射年老遜位拜光祿大夫

光祿大夫魯芝絜身寡

欲和而不同

臧榮緒晉書曰魯芝字世英扶風人也耽思墳籍為鎮東將軍徵光祿大夫四子講

德論曰絜身脩德老子曰少私寡欲論語曰和而不同

光祿大夫季胤莅政弘簡

在公正色

王隱晉書曰季胤字宣伯遼東人也稍遷至尚書僕射轉光祿大夫孔安國尚書曰正色

率皆服事華髮以禮始終

周禮曰大司徒領職曰服事鄭司農曰服謂公家之事也

新序閭丘印曰士之華髮墮領而後用耳 雖歷內外之寵不異寒賤之家而

猶未蒙此選臣更越之何以塞天下之望少益日月

聖主

得賢臣頌曰不足以塞望日 是以誓心守節無苟進之

月喻君已見上求自試表

志

左傳季札曰曹宣公之卒也諸侯與曹人不義曹君將五子臧子臧去之遂弗為也以成曹君君子曰能

守節 今道路未通方隅多事乞留前恩使臣得速還屯

玉隱晉書曰太始五年為都督荊州諸軍事 不爾留連必於外虞有關臣不

勝憂懼謹觸冒拜表惟陛下察匹夫之志不可以奪

語論

子曰匹夫

不可奪志

陳情表

李令伯

華陽國志曰李密字令伯父早亡母何氏更適人密見養於祖母事祖母以孝

聞患疾日夜未嘗解帶蜀平後晉武帝徵爲太子洗馬詔書累下郡縣逼迫密上書武帝覽其表曰密不空有名者也嘉其誠款賜奴婢二人使郡縣供其祖母奉膳祖母卒服終徙尚書郎爲河內溫令左遷漢中太守一年去官卒密一名虔

臣密言臣以險釁夙遭閔凶

賈逵國語注曰釁兆也左氏傳楚少宰曰寡君少遭閔凶

生

孩六月慈父見背

孟子曰孩提之童趙岐曰知孩笑可提抱也文子曰慈父之愛子非求報

行年四歲舅奪母志

莊子田開之曰單豹行年七十毛詩序曰衛世子蚤死其妻守義父

母欲奪祖母劉愍臣孤弱躬親撫養毛詩曰父兮生我母兮鞠我撫我畜

我長我育我毛養曰鞠養也臣少多疾病九歲不行零丁孤苦至于

成立

李陵贈蘇武詩曰遠處天一隅苦困獨伶丁國語曰晉趙氏子冠韓獻子戒之曰此之謂成人論語

而立既無叔伯終鮮兄弟毛詩曰終鮮兄弟維予與汝門衰祚薄

晚有兒息

字書曰祚福也

外無期功彊近之親內無應門五尺

之童

孫卿子曰仲尼之門五尺童子蓋言五伯

晬晬獨

一作子

立形影相弔

曹植

責躬表曰形影相弔五情愧赧而劉夙嬰疾病常在牀蓐臣侍湯藥未

曾廢離建奉聖朝沐浴清化前太守臣逵察臣孝廉後

刺史臣榮舉臣秀才臣以供養無主辭不赴會詔書特

下拜臣郎中尋蒙國恩除臣洗馬

朱浮書曰同被國恩如淳漢書注曰凡言

除者除故官就新官也漢書曰太子屬官有洗馬如淳曰前驅也

猥以微賤當侍東宮

非臣隕首所能上報

廣雅曰猥頓也漢書谷永上書王鳳曰齊客隕首公門以報恩施史

記曰孟嘗君相齊使其舍人魏子取邑三反不致孟嘗君問其故對曰有賢竊假之數年或毀孟嘗孟嘗乃奔魏子所與衆賢者聞之乃上書言孟嘗不作亂請身盟遂自刎官門以明孟嘗臣具以表聞辭

不就職詔書切峻責臣逋慢郡縣逼迫催臣上道州司

臨門急於星火臣欲奉詔奔馳則劉病日篤欲苟順私

情則告訴不許臣之進退實為狼狽

孔叢子孔子曰吾於狼狽見聖人之

志荀悅漢記論曰周勃狼狽失據塊然囚執

伏惟聖朝以孝治天下凡在故

老猶蒙矜育

爾雅曰矜憐也

况臣孤苦特為尤甚且臣少仕偽

朝歷職郎署本圖宦達不矜名節

鄭玄禮記注曰矜謂自尊大也

今臣

亡國賤俘至微至陋

賈逵國語注曰伐國取人曰俘

過蒙拔擢寵命優

渥

毛詩曰既優既渥

豈敢盤桓有所希冀

周易曰初九盤桓利居貞但以劉

日薄西山氣息奄奄

揚雄反騷曰臨汨羅而自隕兮恐日薄於西山廣雅曰奄困迫也

人命危淺朝不慮夕

左氏傳趙孟曰朝不謀夕何其長也

臣無祖母無以

至今日祖母無臣無以終餘年

鵲鵲賦曰匪餘年之足惜

母孫二人

更相為命是以區區不能廢遠臣密今年四十有四祖

母劉今年九十有六是臣盡節於陛下之日長報養劉

之日短也烏鳥私情願乞終養

葛龔喪伯父還傳記曰烏鳥之情誠竊傷痛毛

詩曰蓼莪孝子不得終養也

臣之辛苦非獨蜀之人士及二州牧伯

所見明知皇天后土實所共鑒

左氏傳晉大夫曰皇天后土實聞君之言

願

陛下矜愍愚誠聽臣微志庶劉僥倖卒保餘年

禮記曰子曰小

人行險以徼倖僥與徼同古羌切

臣生當隕首死當結草

隕首已見上文左氏傳曰

晉魏顆敗秦師于輔氏獲杜回秦之力人也初魏武子有嬖妾無子武子疾命顆曰吾死嫁之及困曰以殉顆嫁之曰疾病則亂吾從其治也又輔氏之役魏顆見老人結草以亢杜回杜回躡而顛故獲之夜夢之曰余乃所嫁婦人之父也臣不勝犬馬怖懼之情謹拜表以聞

史記丞相翟青

曰臣不勝犬馬心

謝平原內史表

魏榮緒晉書曰成都王表理機起為平原內史到官上表謝恩

陸士衡

陪臣陸機言

恭邕獨斷曰諸侯境內自相以下皆為諸侯稱臣於朝皆稱陪臣

今月九

日魏郡太守遣兼丞張含齋板詔書印綬假臣為平原

內史

凡王封拜謂之板官時

拜受祗竦不知所裁臣機

咸都攝政故稱板詔

頓首死罪死罪

范昶後漢書陳蕃上疏曰臣誠悼心不知所裁

臣本吳人出自

敵國

漢書蒯通說韓信曰敵國破謀臣亡

世無先臣宣力之效才非丘園

耿介之秀

尚書舜曰予欲宣力四方汝為易曰賁于丘園束帛莪莪王肅曰隱處丘園道德彌明必有

束帛之聘楚辭曰獨耿介而不隨

皇澤廣被惠濟無遠

四子講德論曰皇澤豐沛尚書

曰無遠弗届

擢自羣萃累蒙榮進

國語曰羣萃而同處賁達曰萃亦處也

入朝

九載歷官有六身登三閣官成兩宮

臧榮緒晉書曰太熙未太傅楊駿辟

機為祭酒駿議徵為太子洗馬吳王出鎮淮南以機為郎中令遷尚書郎中繼轉殿中郎又為著作郎晉令曰

祕書郎掌中外三閣經書兩宮東宮及上臺也

服冕乘軒仰齒貴游

左傳衛太子謂渾良

夫曰服冕乘軒三死無與杜預傳注曰齒列也周禮曰師氏以三德教國子凡國之貴遊子弟學焉

振景

拔迹顧邈同列

臣瓚漢書注曰邈凌邈也

施重山岳義足灰沒

葛龔讓州

辟丈曰思重山岳言君之義我身如灰之滅不足報也

遭國顛沛無節可紀雖蒙

曠濫臣獨何顏倪首頓膝憂愧若厲

中謝周易曰夕惕若厲

而橫

為故齊王罔

永九

所見枉陷誣臣與衆人共作禪文

王隱晉書

曰齊王罔字景治趙王倫篡位同舉兵討倫臨陳斬之禪文倫受禪之文

幽執囹圄當為誅

始司馬遷書曰深幽囹圄之中

臣之微誠不負天地倉卒之際慮有

逼迫乃與弟雲及散騎侍郎袁瑜

王隱晉書曰袁瑜字世都

中書侍

郎馮熊

馮熊字文羅

尚書右丞崔基廷尉正顧榮

顧榮字彥先

汝

陰太守曹武

晉百官名曰曹武字道淵

思所以獲免陰蒙避迴岐

一作

嶮自列

言密自蒙蔽避迴同黨岐嶮艱阻得自申列也廣雅曰列陳也

片言隻字不

關其間事蹤筆跡皆可推校

王隱晉書曰機與吳王晏表禪文本草今見在中書一

字一跡自可分別恭邕書曰惟是筆迹可以當面也

而一朝翻然更以為罪茲爾

之生尚不足云

左傳子產曰諺云蕞爾之國杜預曰蕞小貌也說文曰尚曾也孔安國尚書傳

曰云區區本懷實有可悲

李陵書曰區區之心切慕此爾

畏逼天威即

罪惟謹

天威已見上議開府表公羊傳曰不即罪爾何休曰不就罪也漢書曰終軍詰徐偃請下御史

徵偃即罪論語曰子在宗廟朝廷便便言惟謹爾

鉗口結舌不敢上訴所天

莊子

曰鉗墨翟之口慎子曰臣下閉口左右結舌潛夫論曰臣鉗口結舌而不敢言左傳歲尹克黃曰君天也何休

墨守曰君者臣之天也

莫大之釁日經聖聽

孝經曰五刑之屬三千而罪莫大於不孝

肝血之誠終不一聞所以臨難慷慨而不能不恨恨者

唯此而已重蒙陛下愷悌之宥

陛下謂成都也毛詩曰愷悌君子杜預左傳注

曰宥也迴霜收電使不隕越

威如霜已見西征賦荀悅申鑒曰人主威如雷電之震左

傳齊侯對宰孔曰復得扶老攜幼生出獄戶

戰國策曰薛人扶老

欽定四庫全書

卷三十七

五

攜幼迎孟嘗君道中

懷金拖紫退就散輩

揚子法言曰使我紆朱懷金其樂不可忘也解

朝曰紆青拖紫拖徒我切

感恩惟咎五情震悼

文子曰昔中黃子曰色有五章人有五情

跼天蹐地若無所容

中謝毛詩曰謂天蓋高不敢不跼謂地蓋厚不敢不蹐史記曰魏公

子自責似若無所容跼音局蹐精亦切

不悟日月之明遂乘曲照雲雨之

澤播及朽瘁

尚書武王曰惟我文考若日月之照臨范曄後漢書鄧騭上疏曰被雲雨之渥澤也

忘臣弱才身無足采哀臣零落罪有可察苟削丹書得

夷平民

左傳曰斐豹隸也著於丹書書曰延及平民

則塵洗天波謗絕衆口

臣之始望尚未至是猥辱大命顯授符虎

漢書文紀曰初與郡守爲

銅虎符竹使符使春枯之條更與秋蘭垂芳陸沈之羽復與翔

鴻撫翼

莊子曰孔子之楚其鄰有夫妻臣妾登極者仲尼曰是陸沈者也班固漢書張陳述曰攜手逐

泰撫翼俱起

雖安國免徒起紆青組

漢書曰韓安國事梁孝王為中大夫其後安國

坐法抵罪梁內史缺漢使使者拜安國為梁內史起徙中為二千石

張敞亡命坐致朱軒

漢書張敞為京兆尹坐與楊惲厚善不宜處位免為庶人數月冀州部中有大賊天子思敞功使使召敞即裝隨使者詣公車上書天子引敞見拜為冀州刺史敞起亡命復奉使典州命名也謂所犯罪名已定而逃亡避之謂之亡命青組朱軒並二千石之車飾方臣所荷未足為泰豈臣蒙垢含

宏所宜忝竊

范曄後漢書陳蕃曰鄙宏之萌復存於心方言曰貪而不施謂之宏

非臣毀宗

夷族所能上報喜懼參并悲慙哽結拘守常憲當便道

之官

如淳漢書注曰律二千石以上告歸寧不過行在所者便道之官無問也

不得束身奔

走稽顙城闕瞻係天衢馳心輦轂

天衢已見上薦禰衡表輦轂已見上求通

表親親

臣不勝屏營延仰謹拜表以聞

國語巾胥曰昔楚靈王獨行屏營

勸進表

何法盛晉書曰劉琨連名勸進中宗嘉之晉紀曰劉琨作勸進表無所點竄封印既

畢對使者流涕而遣之

劉越石

建興五年

晉書曰建興閏帝年號

三月癸未朔十八日辛丑使持

節散騎常侍都督河北并冀幽三州諸軍事領護軍

奴中郎將司空并州刺史廣武侯臣琨使持節侍中都

督冀州諸軍事撫軍大將軍冀州刺史左賢王渤海公

臣匹磾頓首死罪上書臣琨臣匹磾頓首頓首死罪死

罪臣聞天生蒸人樹之以君所以對越天地司牧黎元

左傳

公曰天生人而樹之君以利之也與引曰發祥流慶對越天地左傳師曠曰天生人而立之君使司牧之勿使

失性孝經鉤命決曰天有聖帝明王鑒其若此

易緯曰聖帝明

王所以知天地不可以乏饗故屈其身以奉之

范曄後漢書袁

紹上疏曰洛邑之祀苟悅申鑒
曰聖王屈己以申天下之樂
知黎元不可以無主故

不得已而臨之

東觀漢記馮異曰更始敗亡天下無主
莊子曰君子不得已而歸於天下也

社稷時難則戚藩定其傾郊廟或替則宗指纂其祀所

以弘振遐風式固萬世

牽秀衡公誅曰仰睇遐風重
禪冠世毛詩曰式固爾猶三

五以降靡不由之

史記楚子西曰孔丘迷
三王之法明周召之業

臣琨臣彥

首頓首死罪死罪伏惟高祖宣皇帝肇基景命

王隱晉書曰宣

皇帝河內溫人今上受禪追上尊號曰宣皇帝尚書武

王曰至于大王肇基王迹詩曰景命有僕毛萇曰僕附

也鄭玄曰天之大人世祖武皇帝遂造區夏

命又附著於汝
世祖武帝廟號書曰惟王

顯考文王用三葉重光四聖繼軌三世謂宣景文四聖肇造我區夏謂武帝也書曰昔我

文皇武皇重宣光惠澤侔於有虞卜年過於周氏左傳

業雅曰軌跡也滿曰成王定鼎郊鄒自元康以來艱禍繁興晉書曰惠

卜世三十卜年八百元曰永嘉之際氛厲彌昏宸極失御登遐醜裔元康

王隱晉書懷紀曰羯賊劉曜破洛皇帝崩於平陽宸極喻帝位答寶賦曰周失其御禮曰天王崩告喪曰天王

登國家之危有若綴旒公羊傳曰君若贅旒贅猶綴也何

執持東西爾賴先后之德宗廟之靈皇帝嗣建舊物克甄王

晉書懷紀曰洛陽破大司馬南陽王保於長安立秦王為皇太子懷帝崩皇太子即位左傳伍員曰以康祀夏

配天不失舊物鄭玄
尚書緯注曰甄表也
誕授欽明服膺聰哲欽明已見上

禮曰服膺拳拳
玉質幼彰金聲夙振應劭漢官儀曰太子太傅

質琢磨以道也孟子曰孔子之謂集大成集大成也者金聲而玉振之也
冢宰攝其綱百辟

輔其治尚書曰冢宰掌邦治統百官包咸論語注曰攝猶兼也毛詩曰不顯維德百辟其刑之四

海想中興之美羣生懷來蘇之望毛詩序曰宣王任賢使能周室中興尚書

曰僕我后后來其燕不圖天不悔禍大災荐臻左傳鄭伯曰天其悔禍于許國

未忘難寇害尋興左傳富辰曰人未忘禍王又興之逆胡劉曜縱逸西

都何法盛晉書胡錄曰建興四年劉載使劉曜寇長安敢肆大羊陵虐天邑漢名臣奏

曰太尉應劭等議以為鮮卑隔在漢北
犬羊為羣尚書曰肆予敢求爾天邑商
臣等奉表使還

仍承西朝以去年十一月不守主上幽劫復沉虜廷

寶

晉愍紀曰賊入掠京都劉粲冠于城下天子蒙塵于平
陽傳暢諸公讚曰葛蕃傳檄平陽求運和迎上上於是
見害謝承後漢書序曰神麗沉離再辱荒逆
黃他求沒將投骸虜廷
再為懷愍
子曰天下神器不可為為者敗之韋
二帝也老
昭曰神器天子璽符服御之物也
臣每覽史籍觀之

前載

小雅曰
載事也

厄運之極古今未有苟在食土之毛含氣

之類

左傳芋尹無宇謂楚子曰食土之毛誰
非君臣三略曰含氣之類咸願得志

莫不叩心

絕氣行號巷哭

新序子貢曰子產死國入聞之皆叩心
流涕曰子產已死吾將安歸皆巷哭

況臣等荷寵三世位廁鼎司

三世謂邁至琨也王隱晉書曰琨祖邁相國參軍父

著太子洗馬侍御史鼎司謂司空也謝承後漢書序曰王龔幹事遂陟鼎司

承問震惶精爽

飛越

謝承後漢書曰竇武上疏曰奉法詔命精爽隨越

且悲且惋五情無主

五情

已見上謝平原內史表注莊子葉公見龍失其魂魄五情無主

舉哀朔垂上下泣血

謝承

後漢書胡毋班書曰董卓起朔垂毛詩曰鼠思泣血

臣琨臣礪頓首頓首死罪死罪

臣聞昏明迭用否泰相濟

昏明謂晝夜也文子曰春秋之代謝日月之晝夜孫卿子

曰日月遞照周易曰泰者通也物不可終通故受之以否

天命未改歷數有歸

左氏傳王

孫滿謂楚子曰周德雖衰天命未改書曰天之歷數在爾躬

或多難以固邦國或殷

憂以啟聖明

左氏傳曰楚使椒舉如晉求諸侯晉侯欲勿許司馬侯曰不可鄰國之難不可虞也

或多難以固其國啓其疆土齊有仲孫之難而獲桓公至今賴之晉有里丕之難而復文公是以爲盟主也

詩曰耿耿不寐如有齊有無知之禍而小白爲五伯之

長

左傳曰初齊襄公立無常鮑叔牙曰君使民慢亂將作矣奉公子小白出奔莒亂作管夷吾召忽奉公子

糾來奔雍廩殺無知公伐齊納子糾桓公自莒先人晉有驪姬之難而重耳主諸

侯之盟

左傳曰初晉獻公以驪姬爲夫人夫人譖太子太子縊于新城遂譖二公子公子皆知之重耳

奔蒲夷吾奔屈漢書路溫舒曰齊有無知之禍而桓公以與晉有驪姬之難而文公用伯繇是觀之禍亂之作

將以開社稷靡安必將有以扶其危

定監鐵論曰黔首幾

絕必將有以繼其緒

史記曰秦更民曰黔首

伏惟陛下玄德通於神

明聖姿合於兩儀

陛下謂元帝也書曰玄德升聞乃命以位孝經獲神契曰十世升平

至德通神明兩儀天地也易曰易有太極是生兩儀

應命代之期紹千載之運

孟子

曰五百年必有王者興其間必有名世者廣雅曰命名也桓子新論曰夫聖人乃千載一出賢人君子所想思

而不可得見也夫符瑞之表天人有徵

東觀漢記羣臣上奏世祖曰符瑞之應昭然著

中興之兆圖讖垂典自京畿隕喪九服崩離

曹子建責躬詩

曰得會京畿周書曰乃辨九服之國方千里曰王圻其外曰侯服甸服男服采服衛服蠻服夷服鎮服蕃服論

語子曰邦分崩離析天下囂然無所歸懷

班固漢書贊曰海內囂然喪其樂生之心

雖有夏之邁夷羿宗姬之離犬戎蔑以過之

左氏傳曰魏絳對晉侯曰

昔有夏之方衰也后羿自鉏遷于窮石因夏人以代夏政又曰夷羿收之杜預曰夷氏也史記曰幽王嬖愛褒姒竟廢后立褒姒為后廢后父申侯乃與西夷犬戎共攻幽王遂殺幽王驪山之下

陛下撫寧江

左奄有舊吳

王隱晉書曰元帝琅邪恭王之長子永興元年就國二年加揚州諸軍事韋孟諷諫

詩曰撫寧遐荒江左江東也春秋歷序曰東方為左毛詩曰奄有龜蒙

柔服以德伐叛以

刑左氏傳晉隨武子曰抗明威以攝不類仗大順以肅

宇內

尚書曰我有周祐命將天明威漢書音義曰攝安也禮記曰天子以德為車以樂為御諸侯以禮相

與大夫以法相序天順純化既敷則率土宅心義風既暢下之肥也是謂大順

欽定四庫全書

文選

三

則遐方企踵

尚書曰汝王遠惟商考成人宅心知訓劇秦美新曰海外遐方延頸企踵

百揆

時序於上四門穆穆於下

書曰納于百揆百揆時叙賓于四門四門穆穆

昔少

康之隆夏訓以為美談

左氏傳伍員謂吳子曰昔有過洗滅夏后相后緒方娠逃出自

實歸于有仍生少康焉為仍牧正以收夏衆使女艾謀洗遂滅過戈復禹之續澆五咍切公羊傳曰魯人至今

以為美談宣王之興周詩以為休詠

毛詩序曰然民尹吉甫美宣王也任賢使能周

室中興也况茂勲格于皇天清輝光于四海

尚書曰昔成湯既受命時則有

若伊尹格于皇天孝經曰孝悌之至通于神明光于四海

蒼生顒然莫不欣戴

尹文子曰

先德化布於四海仁惠被於蒼生淮南子曰聖人呼吸陰陽之氣而羣生莫不顯顯然仰其德以和順國語祭

公謀父曰商王大惡尚書曰聲教所加願為臣妾者哉朔南暨

聲教史記張良曰百王隱晉書且宣皇之胤維有陛下曰元皇帝

宣帝之曾孫左傳介之推曰尚書億兆攸歸曾無與二曰受

魯國化而為一心君曾無與二何暇有三乎天祚大

晉必將有主主晉祀者非陛下而誰法言曰昔在有熊

有顯懿故天因而祚之左傳介之推曰天高辛唐虞三代咸是以邇無異

言遠無異望漢書曰霍光以內外異言左傳叔向曰我

望謳歌者無不吟詠徽猷獄訟者無不思于聖德孟子

堯堯

崩三年之喪畢舜讓避丹朱於南河之南天下朝觀訟獄者不之堯之子而之舜謳歌者不謳歌堯之子而謳

歌舜曰天也夫而後歸中國踐天子之位焉天地之際詩曰君子有徽猷答賓戲曰用納乎聖德

既交華裔之情允洽封禪書曰天人之際已交上下之情允洽左傳孔子曰裔不謀夏夷

不亂一角之獸連理之木以為休徵者蓋有百數春秋華不亂一角之獸連理之木以為休徵者蓋有百數感精

符曰麟一角明海內共一主也王者不刳胎不剖卵則出於郊孝經援神契曰德至草木則木連理尚書有休

徵西都賓曰處乎冠帶之倫要荒之衆冠帶謂中國也西蜀父老曰封

疆之內冠帶之倫尚書曰五不謀而同辭者動以萬計百里要服五百里荒服也

周書曰不謀同辭會於武王郊下是以臣等敢考天地羽獵賦曰杖莫邪而羅者萬計矣

之心因函夏之趣味死以上尊號

漢書揚雄河東賦曰函夏之大漢書又曰

諸侯昧死再拜言上尊號

願陛下存舜禹至公之情狹巢由抗矯之

節以社稷為務不以小行為先

東觀漢記羣臣上奏世祖曰大王社稷為計萬

姓為心漢書賈誼上書曰人主之行異布衣布衣歸小行以自託於鄉黨人主惟社稷固爾

以黔首

為憂不以克讓為事

書曰允恭克讓

上以慰宗廟乃顧之懷下

以釋普天傾首之望

詩曰乃眷西顧又曰溥天之下漢書翟義曰天下傾首服從莫能抗

扞國難也則所謂生繁華於枯蕘育豐肌於朽骨

易曰枯楊生稊王弼

曰稊者楊之秀稊與蕘通左傳蓬子馮曰所謂生死而肉骨

神人獲安無不幸甚

尚書

云帝曰變命汝典樂神人以和漢書漢臣珉臣磾頓首
王曰以韓信為大將軍蕭何曰幸甚

頓首死罪死罪臣聞尊位不可久虛萬機不可久曠史記

李斯曰明主聖皇所能久處尊位東觀漢虛之一日則
記諸將上奏世祖曰帝王不可以久曠

尊位以殆曠之決辰則萬機以亂公羊傳曰緣臣之心

傳君子曰莒恃陋不修其城郭決辰之間方令鍾百王
而楚赴其三都杜預曰決辰十二日也

之季當陽九之位曹植九詠章句曰鍾當也班固漢書

子曰齊其何如晏子曰此李世也漢書曰陽九之厄曰
初八百六陽九音義曰易傳所謂陽九之厄百六之會

狡寇窺窬伺國瑕隙左氏傳師服曰民服其上下無覲

覲杜預曰下不冀望上位也窬與

覲同杜預左傳注曰狡猾也說文曰窺小視也齊人波
又曰覲欲也毛萇詩傳曰瑕猶過也隙間隙也

蕩無所繫心安可以廢而不恤哉

漢書曰富人博戲亂齊人如淳曰齊民也

等無有貴賤故謂之齊若今平民也范曄後漢書李熊說公孫述曰方今四海波蕩匹夫橫議谷永集曰國家

久無繫嗣天下無所繫心

陛下雖欲逡巡其若宗廟何其若百姓何

公羊傳曰齊侯逡巡而謝范曄後漢書馬武謂世祖曰大王雖執謙退奈宗廟社稷何

昔惠公虜

秦晉國震駭呂卻之謀欲立子圉外以絕敵人之志內

以固闔境之情故曰喪君有君羣臣輯穆好我者勸惡我者

懼

左傳僖十五年晉與秦戰于韓原秦伯獲晉侯以歸乃許晉平晉侯使卻乞告敗呂鉉甥且召之呂甥曰

欽定四庫全書

文選

三

將若君何衆皆曰何為而可對曰征繕以輔孺子諸侯
聞之喪君有君羣臣輯睦甲兵益多好我者勸惡我者
懼庶有益乎莊子曰方
二千餘里闔四境之內前事之不忘後代之元龜也
戰國

策張孟談謂趙襄子曰前事之不忘後事之師也吳
志魏文帝策命孫權曰前代之懿事後王之元龜陸

下明竝日月無幽不燭

家語孔子曰所謂聖者明竝日月東都賦曰散皇明以燭幽

深謀遠慮出自胸懷

遇秦論曰深謀遠慮行軍用兵之道不及嚮時之事也不勝

犬馬憂國之情遲覩人神開泰之路

史記丞相翟青曰臣不勝犬馬心

是以陳其乃誠布之執事

左氏傳晉使呂相絕秦曰敢盡布之執事臣等各

忝守方任職在遐外不得陪列闕庭共觀盛禮踊躍之

懷南望罔極謹上臣琨謹遣兼左長史右司馬臣溫嶠

王隱晉書曰溫嶠字太真太原人也劉琨假守左長史西臺除司空右司馬五年琨使詣江南主簿臣

辟閭訓

臧榮緒晉書曰辟閭訓字祖明樂安人也沒石勒為幽州刺史

臣碑遣散騎常

侍征虜將軍清河太守領右長史高平亭侯臣榮劭

百晉

官名曰榮劭字茂世北平人為清河太守

輕車將軍關內侯臣郭穆

百官名曰郭穆

字景通沒胡中

奉表臣琨臣碑等頓首頓首死罪死罪

文選卷三十七

欽定四庫全書

文選卷三十八

梁蕭統編

唐李善註

表

為吳令謝詢求為諸孫置守塚人表

孫盛晉陽春秋曰謝詢河

東人終
於吳令

張士然

孫盛晉陽春秋曰張悛字士然吳國人也元康中吳令謝詢表為孫氏置守塚

人悛為其文詔從之晉百
官名曰悛為太子庶子

臣聞成湯草夏而封杞武王入殷而建宋

尚書曰乃爾先祖成湯草

夏駸命漢書酈生曰昔湯伐桀封其後於杞呂氏春秋曰武王入殷立成湯之後於宋

春秋征伐

則晉修虞祀燕祭齊廟

左氏傳曰晉滅虢遂襲虞滅之而修虞祀歸其職貢於王傳子

曰樂毅伐齊遂下齊七十餘城置吏屬燕為郡而修齊之宗廟

夫一國為一人興先賢

為後愚廢

成湯夏禹賢興國後桀紂無道而失國

誠仁聖所哀悼而不忍

也故三王敦繼絕之德春秋貴柔服之義

論語曰繼絕世柔服已見

劉琨勸進表

昔漢高受命追存六國凡諸絕祚一時並祀

書

曰高祖撥亂猶修祀六國又詔曰秦王帝楚隱王魏安釐王齊愍王趙悼襄王皆絕亡後其與秦始皇帝守冢

三十家趙及魏公子亡忌各親與項羽對爭存亡逮羽

之死臨哭其喪

漢書灌嬰斬項羽東城漢王為發喪哭臨而去

將以位嘗倖尊

力常均勢雖功奪其成而恩與其敗且暴興疾顛禮之

若舊

班固漢書項羽贊曰舜重瞳子項羽又重瞳子豈其苗裔邪何其興之暴也國語單襄公曰高位實

疾顛

殘戮之尸乃以公葬

漢書曰初懷王封羽為魯公乃以魯公禮葬羽於穀城

若

使羽位承前緒世有哲王一朝力屈全身從命則楚廟

不隳有後可冀伏惟大晉應天順民武成止戈

應天順民已見

上左氏傳楚子謂潘黨曰夫文止戈為武

西戎有即序之人京邑開吳蜀之

館書曰織皮崑崙析支渠搜西戎即叙洛陽故興滅加

乎萬國繼絕接于百世

論語子曰興滅國繼絕世

雖三五弘道商周

稱仁洋洋之義未足以喻是以孫氏雖家失吳祚而族

蒙晉榮子弟良才北肩進取懷金侯服佩青千里

懷金已見

上謝平原內史表佩青已見上求通親親表毛詩曰侯服于周天命靡常東觀漢記楊喬曰臣伏念二千石典

牧千當時受恩多有過望臣聞春雨潤木自葉流根鷗

鵝恤功愛子及室

毛詩曰鳴鵝鵝鵝既取我子無毀我室

故天稱罔極之

恩聖有綢繆之惠

罔極已見上求親親表毛詩曰徹彼桑土綢繆牖戶

追惟吳儁

武烈皇帝

吳志孫堅字文臺吳郡人蓋孫武後也權既稱尊號謚堅曰武烈皇帝

遭漢室

之弱值亂臣之彊首昌義兵先衆犯難破董卓於陽人

濟神器于甄井

吳志曰堅屯梁東為卓軍所攻潰圍而出堅復合戰於陽人大破卓軍漢書音

義韋昭曰神器天子璽符也吳書曰初堅入洛軍城南甄官井上每旦有五色氣舉軍驚怪莫敢汲堅命人浚探得漢傳國璽文曰受命于天既壽永昌方圓四寸上紐交五龍龍上一角缺甄音真威震羣狡

名顯往朝桓王才武弱冠承業

吳志曰孫策字伯符堅子也權稱尊號追謚策

曰長沙桓王

招百越之士奮鷹揚之勢

漢書曰故衡山王芮從百越之兵以征諸

侯誅暴秦詩曰維師尚父時維鷹揚

西赴許都將迎幼主雖元勳未終然

至忠已著

吳志曰曹公與袁紹相距於官渡策陰謀襲許迎漢帝未發為故吳郡太守許貢客所殺

夫家積義勇之基世傳扶危之業進為徇漢之臣退為

開吳之主而蒸嘗絕於三葉園陵殘於薪采

為薪采者所殘毀也

臣竊悼之伏見吳平之初明詔追錄先賢欲封其墓愚

謂二君竝宜應書

二君聖策也

故舉勞則力輸先代論德則

惠存江南正刑則罪非晉寇從坐則異世已輕若列先

賢之數蒙詔書之恩裁加表異以寵亡靈則人望克厭

誰不曰宜二君私奴多在墓側今為平民乞差五人蠲

其徭役使四時修護頽毀掃除瑩壘永以為常

讓中書令表

諸晉書並云讓中書監此云令恐誤也

庾元規

何法盛晉書穎川庾錄曰亮字元規為中書郎肅祖欲使為中書監上疏肅祖

納亮言封永昌公後

遷司馬錄尚書事薨

臣亮言臣凡庸固陋少無檢操昔以中州多故舊邦喪

亂

中州為洛陽庾氏穎川人近洛陽故云中州舊邦

隨侍先臣遠庇有道爰客

逃難求食而已

何法盛晉書曰亮父琛為會稽太守亮少隨父會稽又曰中宗為鎮東將軍鎮

建鄴論語季康子以就有道不悟邀時之福遭遇嘉運

孔安國尚書序曰逃難解散

先帝龍興垂異常之顧

先帝謂中宗元帝也尚書序曰漢宣龍興

既眷同國

士又申之婚姻

何法盛晉書曰中宗欽亮名德故申婚姻又曰中宗聘亮妹為皇太子妃國士

婚姻已見懷舊賦

遂階親寵累忝非服弱冠濯纓沐浴玄風

孟

曰滄浪之水清兮可以濯我纓沐浴已見上求自試表註

頻繁省闈出總六軍

何法盛

書曰王敦表亮為中領軍

十餘年間位超先達無勞被遇無與臣比

小人祿薄福過災生止足之分臣所宜守

老子曰知足不辱知止不

殆而偷榮昧進日爾一日謗讟既集上塵聖朝始欲自

聞而先帝登遐

先帝謂元帝也登遐已見上文

區區微誠竟未上達陛

下踐祚聖政維新

臧榮緒晉書曰明帝諱紹字道畿元帝太子也禮曰成王幼不能蒞祚周

公作相踐祚而治詩曰周雖舊邦其命維新

宰輔賢明庶寮咸允康哉之歌

實在至公

康哉之歌已見景福殿賦仲長子昌言曰人主臨之以至公行之以至仁而國恩

不已復以臣領中書臣領中書則示天下以私矣何者

臣於陛下后之兄也

王隱晉書曰明穆王后庾氏字文君琛第二女生成帝孫盛晉陽春

秋曰庾亮明穆皇后之兄也

姻婭之嫌實與骨肉中表不同雖太上

至公聖德無私

老子曰太上知有之河上公曰太上謂太古無名之君也無私已見上求通

親親表也然世之喪道有自來矣悠悠六合皆私其姻者也

人皆有私則謂天下無公矣是以前後二漢咸以抑后

黨安進婚族危向使西京七族東京六姓

西京七族已見西京賦東

京六姓章德竇后和熹鄧后安思閼后桓思竇后順烈梁后靈思何后

皆非姻黨各以平

進縱不悉全決不盡敗今之盡敗更由姻昵臣歷觀庶

姓在世無黨於朝無援於時根植之本輕也薄也苟無

大瑕猶或見容至於外戚憑託天地勢連四時根援扶

疏重矣大矣而財居權寵四海側目

漢書曰列侯宗室見郅都側目而視

也事有不允罪不容誅身既招殃國為之弊其故何耶

直由婚媾之私羣情之所不能免故率其所嫌而嫌之
於國是以疏附則信姻進則疑疑積於百姓之心則禍
成重閹之內矣此皆往代成鑒可為寒心者也夫萬物
之所不通聖賢因而不奪冒親以求一才之用未若防
嫌以明公道

韓詩外傳曰公道達而私門塞

今以臣之才兼如此之嫌

而使內處心膂外總兵權

尚書穆王曰今命汝作朕股肱心膂賈逵國語注曰膂脊

也以此求治未之聞也以此招禍可立待也

孫卿子曰亂則危辱

滅亡可立而待也

雖陛下二相明其愚款

二相王敦王導也王隱晉書曰王敦字處

仲中宗時為大將軍謀逆肅祖以為丞相不受又曰王導字茂弘中宗時為侍中肅祖即位敦平進太保不拜後為丞相朝士百寮頗識其情天下之人何可門到戶說使

皆坦然耶

孝經曰君子之教以孝非家至而日見之鄭玄曰非門到戶至而見之楚詞曰衆不可戶

說今孰云察予之中情尚書序曰坦然明白

夫富貴寵榮臣所不能忘也刑

罰貧賤臣所不能甘也今恭命則愈違命則苦臣雖不

達何事背時違上自貽患責哉仰覽殷鑒量已知弊

毛詩

曰殷鑒不遠在夏后之世

身不足惜為國取侮是以慙慙屢陳丹款

曹大家蟬賦曰復丹款之未足留滯恨乎天際也

而微誠淺薄未垂察諒憂惶

屏營不知所厝

屏營已見上謝平原內史表

以臣今地不可以進明

矣且違命已久臣之罪又積矣歸骸私門以待刑書

漢書

曰彭宣上書乞骸骨歸鄉里私門已見本篇注尚書曰哀矜折獄明啓刑書

願陛下垂天地

之鑒察臣之愚則雖死之日猶生之年矣

薦譙元彥表

孫盛晉陽秋曰譙秀字元彥巴西人譙周孫性清靜不交於俗李雄盜蜀

安車徵秀秀不應躬畊山藪

桓溫平蜀反役上表薦秀

桓元子

何法盛晉書曰桓溫字元子譙國人為琅邪王文學後進位大司馬薨

臣聞太朴既虧則高尚之標顯

易曰不事王侯高尚其事道喪時昏

則忠貞之義彰

道喪已見江淹雜體詩左氏傳荀息曰公家之利知無不為忠也送往事居耦

俱無猜負也

故有洗耳投淵以振玄邈之風

洗耳許由也琴操曰堯大許由

之志禪為天子由以其不善乃臨河洗耳莊子曰舜以天下讓其友北人無擇北人無擇曰異哉后之為人也欲以其辱行慢我吾羞見之固自投清冷之淵亦有秉心矯跡以敦在三之節國語曰晉武公伐翼殺哀侯止藥子曰苟無死矣吾令子為上卿辭曰臣聞之人生於三事之如一父生之師教之君食之韋昭曰三君父師也是故上代之君莫不崇重斯軌所以

篤俗訓民靜一流競

魏書文帝令曰樹德垂聲崇化篤俗

伏惟大晉應符

御世

應符已見上文論語比考識

運無常通時有屯蹇

神州丘墟三方圯裂

神州見吳都賦註

兔耳絕響於中林白駒

無聞於空谷

毛詩曰肅肅兔置施于中谷鄭玄曰兔置之人能恭敬則是賢者衆多也又曰皎皎

白駒在彼空谷生

斯有識之所悼心大雅之所歎息者也

劉歆移書曰有識之所歎息阮瑀為曹公與孫權書曰大雅之人不肯為此

陛下聖德嗣興

方恢天緒

何法盛晉書曰孝宗穆帝諱聃字彭子康帝崩乃即位

臣昔奉役有事

西土鯨鯢既懸思宣大化

何法盛晉書曰李勢盜蜀溫伐勢勢出軍戰于柞橋軍敗

面縛請命鯨鯢喻李勢也鯢已見上文謝朓八公山詩

訪諸故老搜揚潛逸庶武

羅於昇沉之墟想王蠋於亡齊之境

左氏傳魏絳曰昔后羿因夏人以代

夏政棄武羅伯因熊龍園而用寒浞寒浞伯明氏之
讎子弟也虞羿于田以取其國家杜預曰四子皆羿之
良臣也史記曰燕之初入齊聞畫邑人王蠋賢令軍中
曰環畫邑三十里毋入以王蠋之故已而使人謂蠋曰齊
人多高子之義吾以為將封子萬家蠋固謝燕人曰子
不聽吾引三軍而屠畫邑王蠋曰忠臣不事二君貞女
不更二夫齊王不聽吾諫故退而畊於野國既破亡吾
不能存今又劫之以兵為君將是助桀為暴也與其生
無義固不如享名遂經其死竊聞巴西譙秀植操貞固
頭於樹枝自奮絕脰而死

貞固足

抱德肥遯揚清渭波

文子曰養生以經世抱德以終年可謂體道矣楚辭

曰澁其泥而揚其波渭水已見西征賦

于時皇極遘道消之會羣黎蹈顛

沛之艱

道消顛沛已見謝平原內史表

中華有顧瞻之哀幽谷無遷喬

之望

毛詩曰顧瞻周道中心怛兮
遠矣已見劉琨答盧諶詩

凶命屢招奸威相逼

孫盛晉陽秋曰李雄安車徵秀雄
叔父驤驤子壽辟命皆不應也

身寄虎吻危同朝露

莊子孔子曰丘幾不免虎口
哉朝露已見上求自試表

而能抗節玉立誓不降辱

琴操莊周歌曰避世俟道志潔如玉論語
子曰不降其志不辱其身伯夷叔齊與

杜門絕跡不

面偽庭進免龔勝亡身之禍退無薛方詭對之譏

漢書曰王

莽既篡遣使者奉璽書太子師及祭酒卬綬安車駟馬
迎龔勝勝自知不見聽即謂門人高暉曰吾受漢室厚
恩無以報今老矣旦暮入地豈宜以一身事二姓下見
故主哉語畢遂不復開口飲食積十四日死時年七十
四矣又曰薛方字子容王莽以安車迎方方因使者辭
謝曰堯舜在上下有巢許今明主方降唐虞之德亦獨

小臣欲守箕山之節也使者以聞雖園綺之棲商洛管
芥說其言不强致之也說音悅

寧之默遼海

漢書曰園公綺里季當秦之世避而入商洛深山管寧遼東已見謝眺郡內登望詩

博物志廉翻夢人謂已曰余孤竹君之子遼海漂吾棺槨也

方之於秀殆無以過于

今西土以為美談

西土蜀也

夫旌德禮賢化道之所先崇表

殊節聖詰之上務方今六合未康豺豕當路遺黎偷薄

義聲弗聞

漢書曰偷薄之政自是滋矣魏志崔琰書諫文帝曰勸遊滋侈義聲不聞

益宜振

起道義之徒以敦流豚之敝若秀蒙蒲帛之徵

漢書曰武帝初

即位使使者束帛加璧安車以蒲輪駕駟迎申公也

足以鎮靜頽風軌訓器俗

魏文

帝令曰道薄於當幽遐仰流九服知化矣周書曰乃辨年風類於百代矣

斛尚書表

檀道鸞晉陽秋曰桓玄僭位仲文以佐命親貴帝初反正抗表自解

殷仲文

臣聞洪波振壑川無恬鱗

魏略王脩奏記曰涓流之水無洪波之勢七發曰橫暴之

極魚鱣失勢顛倒偃側

驚飈拂野林無靜柯

家語吾丘曰樹欲靜而風搖之

何者

勢弱則受制於巨力質微則莫以自保於理雖可得而

言於臣實所敢喻昔桓玄之世誠復驅迫者衆至於愚

臣罪實深矣進不能見危授命忘身殉國

論語子張問士子曰見危

致命見利思義司馬遵答任少卿書曰
李陵常思奮不顧身以殉國家之急
退不能辭舉首

陽拂衣高謝

史記曰伯夷齊耻武王伐紂義不食周粟隱於首陽山

遂乃宴安昏

寵叨昧偽封

左傳曰宴安酖毒不可懷也

錫文纂事曾無獨固

曾無固守

之節亦從於衆也晉中興書曰詔加桓玄為楚王
備九錫之禮玄到姑熟朝臣勸進玄遂篡位

名義以

之俱淪情節自茲兼撓宜其極法以判忠邪鎮軍臣裕

鎮軍宋高祖也

匡復社稷大弘善貸

馮衍與田邑書曰左平山東右匡社稷老子曰夫惟

道善貸且成

佇一戮于微命申三驅於大信

楚辭曰蜂蛾微命力何固三驅

已見東都賦

既惠之以首領復引之以繫維

左氏傳宋公曰若以大夫之靈

得保首領以没于時皇輿否隔天人未泰用忘進退唯
繫維已見上文

力是視唯力是視已見東京賦是以僂僂從事自同全人毛詩曰何有何

無僂僂求之呂氏春秋曰任天下而不強此之謂全人高誘曰全人全德之人無虧闕也今宸極反

正惟新告始反正已見謝靈運述祖德詩惟新已見庾元規讓中書令表憲章既明

品物思舊禮曰仲尼憲章文武品物已見數遊賦臣亦胡顏之厚可以顯

居榮次尚書曰子心願厚有怛怛乞解所職待罪私門私門已見上

表書令違謝闕庭乃心愧戀謹拜表以聞臣某云云

為宋公至洛陽謁五陵表晉書曰義熙十二年洛陽平裕命修晉五陵置

守備

傅季友

臣裕言近振旅河湄揚旂西邁

左氏傳季文子曰中國不振旅蠻夷入伐詩曰

居河將屆舊京威懷司雍

威懷已見潘岳關中詩太康地記曰司州司隸校尉治漢

武帝初置其界本西得梁州之地今以三輔為雍州

河流遄疾道阻且長

詩曰邇洄從之

道阻加以伊洛榛蕪津塗久廢

蜀志許靖與曹公書曰袁術方命地族津塗四

塞伐木通徑淹引時月

東觀漢記曰岑彭伐樹木開道直出黎丘

始以今月

十二日次故洛水浮橋山川無改城闕為墟宮廟隳頓

鍾簾空列觀字之餘鞠為禾黍

鞠為茂草已見西征賦毛詩序曰過故宗廟宮

室盡為禾黍

塵里蕭條雞犬罕音

蕭條已見上西征賦東觀漢記曰北夷寇作無雞鳴

狗吠之聲

感舊永懷痛心在目

劉琨答盧諶詩曰哀我皇晉痛心在目

以其月

十五日奉謁五陵

郭緣生述征記曰北邙東則乾脯山山西南晉文帝崇陽陵陵西武帝峻

陽陵邙東北宣帝高原陵景帝峻平陵邙之南則惠帝之陵也

墳塋幽淪百年荒翳天

衢開泰情禮獲申故老掩涕三軍悽感瞻拜之日憤慨

交集行河南太守毛脩之等

沈約宋書曰毛脩之字敬文滎陽人也高祖將伐義

為河南河內二郡太守成洛陽

既開翦荆棘繕脩毀垣

左氏傳戎子駒走曰驅其狐狸

萬其荆棘西京賦職司既備蕃衛如舊伏惟聖懷遠慕
曰少毀垣而延佇

兼慰不勝下情謹遣傳詔殿中中郎臣某奉表以聞

為宋公求加贈劉前軍表

沈約宋書曰劉穆之字道冲東莞人為前將軍

卒追贈儀同三司高祖又表于天子於是重贈侍中司徒封南昌縣侯

傳季友

臣聞崇賢旌善王教所先

王隱晉書衛瓘上言曰崇賢舉善而教用彰謝承後漢書

曰滕延拜京兆尹旌善為務

念功簡勞義深追遠

尚書禹曰惟帝念功論語曰慎終追

遠民德歸厚矣

故司勲秉策在勤必記

周禮曰凡有功者銘書於王之太常德之

休明沒而彌著

左氏傳王孫滿曰德之休明

故尚書左僕射前軍將

軍臣劉穆之爰自布衣協佐義始

裴子野宗略曰高祖潛謀匡復署穆之主

簿委以腹心

內竭謀猷外勤庶政

尚書曰爾有嘉謀嘉猷則入告爾后于內又曰庶政

惟和萬邦咸寧

密勿軍國心力俱盡

韓詩曰密勿同心不宜有怒密勿促俛也

及登

庸朝右尹司京畿

沈約宋書曰穆之為尚書左僕射敷又曰加丹陽尹尚書曰若時登庸敷

讚百揆翼新大猷

尚書曰納于百揆毛詩曰匪大猷是經惟通言是聽

頃戎車遠

役居中作捍

沈約宋書曰高祖北伐轉穆之左僕射甲伏五十人又居東城毛詩曰左旋右抽中

軍作好鄭玄曰居軍中為容好也

撫寧之勳實洽朝野識量局致棟幹

之器也

蜀志曰文帝察黃權有局量易曰棟隆之吉不撓於下也

方宣讚盛化緝隆

聖世志蹟未究遠邇悼心皇恩褒述班同三事

蜀志曰

胡為諸葛亮主簿故見褒述尚書曰三事大夫敬爾有官榮哀既備寵靈已泰

論語子貢

曰夫子其生也榮其死也哀寵靈已見江淹雜體詩

臣伏思尋自義熙草創艱患

未弭

王隱晉書曰義熙安帝年號國語太子曰天禍至于今未弭乎

外虞既殷內難亦

薦

沈約宋書曰義熙五年慕容超數為邊患公抗表北伐公之北伐也徐道覆乃有聞閭之志勸盧循承虛

而下循從之公羊傳曰君子避內嫌不避外難

時屯世故靡有寧歲

周易曰屯剛柔始交

而難生又曰屯難也潘正叔迎大駕詩曰世故尚未夷國語姜氏告于公子曰子之行晉無寧歲

臣以

寡劣負荷國重實賴穆之匡翼之勲豈惟謹言嘉謨溢

于民聽若乃忠規密謨潛慮帷幕造膝詭辭莫見其際

穀梁傳曰士造辟而言詭辭而出范甯曰辟君也詭辭

而出不以實告人也風俗通曰禮諫有五諷為上故入

則造膝出則詭辭禮曰善則稱君過則稱己王隱晉書曰樂廣任誠保直莫見其際

功隱於視聽者不可勝記所以陳力一紀遂克有成國語

孤偃曰畜力一紀可以遠矣又晉子犯曰若克有成晉之柔嘉是甘出征入輔幸不辱命

微夫人之左右未有寧濟其事者矣左氏傳重耳曰微夫人之力不及

此爾雅曰左右助也寧濟已見曹植責躬詩履謙居寡守之彌固易曰九三

有終吉王弼曰履得其位也

每議及封爵輒深自抑絕所以勲高當

年而茅土弗及

三輔決錄曰茂陵馬氏代襲茅土

撫事永念胡寧可昧

謂宜加贈正司追甄土宇俾忠貞之烈不泯於身後大

賚所及永秩於善人

論語曰周有大賚善人是富

臣契閣屯夷旋觀

終始金蘭之分義深情感

易曰二人同心其利斷金同心之言其臭如蘭是以

獻其乃懷布之朝聽所啓上合請付外詳議

為齊明帝讓宣城郡公第一表

蕭子顯齊書曰明皇帝始安貞王道

生子初太祖封西昌侯廢鬱林王海陵王封宣城郡公也

任彥昇

臣鸞言被臺司召以臣為侍中中書監驃騎大將軍開府儀同三司揚州刺史錄尚書事封宣城郡開國公食

邑三千戶加兵五千人臣本庸才智力淺短

母丘儉表曰禹禹之

朝不畜庸才東觀漢記李通上疏曰臣經術短淺智能空薄

太祖高皇帝篤猶子之

愛降家人之慈

蕭子顯齊書曰太祖高皇帝諱道成道生即太祖之弟也禮記曰兄弟之子猶

子也蓋引而進之漢書曰齊悼惠王肥孝惠二年入朝與齊王飲燕飲太后前置齊王上坐如家人禮世

祖武皇帝情等布衣寄深同氣

蕭子顯齊書曰世祖武皇帝諱顥字宣遠太祖

太子晉中興書庾亮上疏曰先帝謬顧情同布衣曹植求自試表曰與國分形同氣憂患共之武皇大

漸寶奉話言

尚書王曰嗚呼疾大漸惟幾毛詩曰其惟哲人告之話言

雖自見之明

庸近所蔽

韓子曰楚莊王欲伐越莊子曰伐越何也王曰以政亂兵弱莊子曰臣患知之如目見百

步之外不能自見其類故曰自見之謂明

愚夫一至偶識量已

劉劭人物志曰一至謂之

偏材偏材小雅之質也爾雅曰偶過也郭璞曰偶爾值也庾元規表曰仰覽殷鑑量已知弊

實不忍

自固於綴衣之辰拒違於玉几之側

尚書顧命曰出綴衣於庭越翼日王

崩玉几見下句

遂荷顧託導揚末命

又曰后憑玉几導揚末命

雖嗣君棄常

獲罪宣德

嗣君謂君鬱林王也為宣太后所廢左傳申繻曰人棄常而妖興漢書曰太后召昌邑王

賀賀曰我安得
罪而召我哉

王室不造職臣之由

不造已見嵇康幽憤詩職汝之由已

見王仲宣贈女叔良詩

何者親則東牟任惟博陸

漢書曰齊悼惠王子興居為東

牟侯又曰武帝遣詔封博陸侯

徒懷子孟社稷之對何救昌邑爭臣之

譏

漢書霍光奏曰昌邑王賀不可以承緒當廢皇太后詔可王曰聞天子有爭臣七人雖無道不失天下光

謝曰王行自絕於天臣寧負王不負社稷

四海之議於何逃責且陵土未乾

訓誓在耳

曹植求自試表曰墳土未乾而身名並滅左氏傳晉穆羸曰今君雖終言猶在耳

家

國之事一至於斯

謂薛林搢履顛躓也孫盛晉陽春秋曰郤超假還東簡文帝謂之曰致意

尊公家國之事遂至於此

非臣之尤誰任其咎

毛詩曰發言盈庭誰敢執其咎將何

以肅拜高寢虔奉武園

寢廟已見吳都賦園陵已見上張士然表

悼心失圖

泣血待旦

左傳楚薳啟強曰孤與二三臣悼心失圖尚書曰先王昧爽坐以待旦

寧容復

徽榮於家恥宴安於國危

晉中興書曰下壺表曰豈敢干祿位以微時榮乎宴安已

見上解尚書表

驃騎上將之元勲神州儀刑之列岳

漢書曰霍去病征匈奴有絕漢之勲始置驃騎將軍位在三公上

班固衛青述曰吳平桓桓上將之元神州已見上薦譙元符表鄭

儀則刑法也

尚書古稱司會中書寶管王言

周禮曰司會中大夫

二人鄭玄曰司會主天下之事若今之尚書耳沈約宋書曰置祕書令典尚書奏事文帝黃初初改為中書令

且虛飾寵章委成禦侮

王隱晉書曰武帝詔山濤曰勿為虛飾之煩詩曰予曰有禦侮

臣知不愜物誰謂宜但命輕鴻毛責重山岳

戰國策唐雅謂楚王

曰國權輕於鴻毛而積禍重於山岳陽泉養性賦曰況性命之幾微如鴻毛之漂輕毋丘儉之遼東詩曰憂責

重山岳誰

存沒同歸毀譽一貫

莊子曰袁公曰何謂材命仲尼曰存亡毀譽是

事之變吳志周紡與曹休書曰志行雖微存沒一節周易曰殊途而同歸書曰為善不同同歸于治莊子老聃曰

彼以死生為一條以不可為一貫也

辭一官不減身累增一職已黷朝

經

七略曰位累我躬賈逵國語注曰黷慢朝經也家語孔子曰治天下國家有九經其所以行者一也便

當自同體國不為飾讓

穀梁傳曰大夫國體也何休曰君之卿佐是謂股肱故曰國體

孫賡詒紀陟曰故特任使莫復飾讓

至於功均一匡賞同千室

論語孔子曰管仲相

桓公一匡天下左傳曰晉侯滅赤狄潞氏晉侯賞桓子狄臣十室光宅近甸奄有全邦

光宅已見吳都賦謝承後漢書曰周防及守近甸嘉瑞表應毛詩曰奄有龜蒙漢書淮南王上書曰淮南全國

之殞越為期不敢聞命左傳齊侯對宰孔曰小白恐殞越于下亦願曲留

降鑒即坐順許鉅平之懇誠必固永昌之丹慊獲申鉅平

羊祜永昌庾亮並見上表乃知君臣之道綽有餘裕孟子曰欲為君則盡君道欲為

臣則盡臣道又曰吾聞之也有官守者不得其職則去有言責者不得其言則去我無官守我無言責則吾進

退豈不綽綽然有餘裕哉荀曰易昭敢守難奪故可庶心弘議酌已

親物者矣不勝荷懼屏營之誠謹附某官某甲奉表以

聞臣諱誠惶誠恐

為范尚書讓吏部封侯第一表

范雲字彥龍與梁武同事齊竟陵王

為八友又與雲住處相近更增親密及為天子
為吏部尚書甚敬雲常語其弟曰我昔與雲
情同昆弟汝當
為我呼雲為兄

任彥昇

臣雲言被尚書召以臣為散騎常侍吏部尚書封霄城
縣開國侯食邑千戶奉命震驚心顏無措臣雲頓首頓
首死罪死罪臣素門凡流輪翮無取

張載贈臧子琰詩
曰輜車運在輪飛

骨頂進謝中庸退慙狂狷

禮記仲尼曰君子中庸小人反中庸論語子曰狂者進取

狷者有所不為也

固嘗鑽厲求學而一經不治

漢書曰韋賢少子玄成復以明

經歷位至丞相故鄒魯諺曰遺子黃金滿籝不如一經

篆刻為文而三冬靡就

法言

曰童子雕蟲篆刻漢書東方朔書曰臣朔學書三冬文史足用

負書燕魏空殫菽粟

戰國策曰蘇秦說秦王書十上而說不納去秦而歸躡負書擔囊孟子曰聖人之治天下使菽粟如水火

躡

齊楚徒知貧賤

史記曰虞卿躡屣擔簦說趙孝成王徐廣曰躡草屣韓詩外傳曰田

子方謂魏太子曰貧賤可以驕人矣志不得則受履而適秦楚耳安往而不得吾貧賤乎

既而分虎

出守以囊被見嗤

漢書文紀曰初與郡守為銅虎符漢書曰王陽父子皆好車馬衣服其自

奉養極為鮮明及遷徙去處所載不過囊衣耳

持斧作牧以意改興謗

漢書曰暴

勝之持斧逐捕盜賊周禮曰八命作牧范曄後漢書曰吳祐父恢為南潯太守欲殺青簡以寫經書祐諫曰今大人踰越五嶺遠在海濱其俗誠陋然舊多珍怪上為國家所疑下為權戚所望此書若成則載之兼兩昔馬援以薏苡興謗王陽以衣囊徵名嫌疑之間誠先賢所慎也

赭衣為虜見獄吏之尊

漢書賈山上書曰秦赭衣半道羣盜滿山又曰人有上書告周勃欲反下廷尉勃恐不知致辭勃以千金與獄吏獄吏更過書牘背示之曰以公主為證勃除名為民知

井白之逸

孫盛晉陽秋曰劉弘顧望除名為民東觀漢記曰馮敬通廢於家娶北地任氏女為妻忌

不得畜媵妾兒女

百年上壽既曰徒然

莊子盜跖謂孔于曰人上壽百

歲中壽如其誠說亦以過半亂離斯瘼欲以安歸毛詩曰亂

離瘼矣爰其適歸薛君曰瘼散也閉門荒郊再離寒暑閉門已見恨賦毛詩曰載離寒

暑兼以東皋數畝控帶朝夕秋興賦曰耕東皋之沃壤輸黍稷之餘稅朝夕已見

江關外一區悵望鍾阜漢書楊僕上書曰恥為關外人又曰揚雄有宅一區蔡邕詩序

曰暮宿河南悵望許慎雖室無趙女而門多好事楊惲曰鍾山北陸無日之地

會宗書曰婦趙女也雅善鼓瑟漢書揚雄素貧祿微賜嗜酒人希至其門時有好事載酒有從遊學

金而歡同娛老賜金娛老謂疏廣也折芟燔枯此焉自

足謝承後漢書曰鄭敬字次都釣魚大澤折芟而坐以蒲薦肉瓠瓢飲酒琴書自樂焚枯已見應璩百一詩

陛下應期萬世接統千祀

莊子曰萬世之後而過大聖知其解者是旦暮遇之也漢

書曰司馬談曰今天子接千歲之統

三千景附八百不謀

周書湯放桀而歸于亳三千諸

侯大會然後即天子之位又曰武王將渡河中流白魚入于王舟王俯取出涖以祭不謀同辭不期同時

一朝會武王於郊下者八百諸侯

臣釁等離心功慙同德

尚書武王曰受有億兆夷

人離心離德予有亂臣十人同心同德

泥首在顏輿棺未毀

張溫表曰臨去武昌庶得

泥首闕下輿棺即輿觀也

締構草昧敢叨天功

締構見魏都賦

易曰天造草昧鄭玄曰草草創也昧與也左氏傳介之推曰竊人之財猶謂之盜況貪天之功以為己力獄

訟謳歌示同民志

獄訟謳歌已見劉越石勸進表

而隆器大名一朝總

集

莊子曰語大功立大名此朝廷之士也左傳仲尼曰惟名與器不可以假人

顧已及躬何

以臻此政當以接開白水列宅舊豐

光武居白水已見南都賦東觀漢記

曰吳漢南陽人也為人質厚少文上以其南陽人故親之漢書曰盧綰豐人也與高祖同里蕭曹等特以事見

禮至其親幸莫及綰也

忘捨講之尤存諸公之費

東觀漢記曰初上學長安時過

朱祐宅祐留上須講竟乃談話及帝登位車駕幸祐第問主人得無去我祐曰不敢又曰初上學長安南陽大

人賢者往來長安為之邸問稽疑資乏與同舍

生韓子合錢買驢令從者僦以給諸公費也

俯拾青

紫豈待明經

漢書夏侯勝曰士病不明經術苟明其取青紫如俛拾地芥

臣雲頓首

頓首死罪死罪夫銓衡之重關諸隆替

陸機顧譚誄曰遷吏部尚書才

長於銓衡而綜核人物

遠惟則哲在帝猶難

尚書咎繇曰在知人禹曰咸若時惟帝其

難之知人則哲能官人

漢魏以降達識繼軌雅俗所歸唯稱許郭

孫綽子或問雅俗曰判風流正位分涇渭珠流雅鄭異調題帖分明標榜可觀斯謂雅俗矣范曄後漢書曰郭

泰字林宗性明知人好稱獎訓士類其獎拔士人皆如所鑒又曰許劭字子將少峻名節好獎人倫多所賞識

故天下言拔士者咸稱許郭

拔士得五尚曰比肩

習鑿齒襄陽耆舊傳曰龐統為郡功

曹性好人倫每所稱迷多過其中時人怪問之統曰方欲興長道業不美其談即聲名不足慕企即為善者少

今拔十失五猶得其半而可以崇邁世教使有志自厲不亦可乎戰國策曰淳于髡一日而見七人宣王曰寡

人聞十里一士是比肩而至也今子一朝而見七人不亦衆乎

其餘得失未聞偶察童

幼天機暫發顧無足算

魏志曰王修識高衆於弱冠異王基於童幼天機已見文賦論

語曰斗筭之在人何足算也在魏則毛玠公方居晉則山濤識量

魏志曰毛

玠字孝先陳留人也為尚書僕射典選舉賢行狀曰以玠雅亮公正魏氏春秋曰山濤為選曹郎中遷尚書

臣況之一何遽落

世說袁彥伯曰江上連落居然有萬里勢

齊季陵遲官方

淆亂

毛詩序曰禮義陵遲莊子曰是非之塗樊然淆亂

鴻都不綱西園成市

華嶠

後漢書曰元和元年置鴻都門學其諸生皆敕州郡三公舉用辟召或出為刺史太守入為尚書侍中乃有封

侯賜爵者士君子皆恥與為列焉漢記曰雲帝即位金太后臨朝於西園賣官自關內侯以下入錢各有差

章有盈筭之談華貂深不足之數

金章盈筭未詳虞預晉錄曰趙王倫篡位

侍中常侍九十七人每朝小人滿庭
貂蟬半座時人謠曰貂不足狗尾續
草創惟始義存改

作恭已南面責成斯在

論語子曰舜夫何為哉恭已正南面而已淮南子曰人主之術

責成而不勞 豈宜妄加寵私以乏王事附蟬之飾空成寵章

董巴與服志曰侍中中常侍冠武弁大冠加金鐙附蟬為文

求之公私授受交失近

世侯者功緒參差或足食關中或成軍河內

漢書曰蕭何以丞相

留牧巴蜀使給軍食漢王擊楚何守關中後為鄒侯范

曄後漢書曰上拜寇恂河內太守上謂恂曰河內完富

吾將因是而起昔高祖留蕭何鎮關 或制勝帷幄或門

中人今吾委公以河內後封雍奴侯

或制勝帷幄之中決勝千里之外

人加親

漢書高祖曰夫運籌帷幄之中決勝千里之外

吾不如子房可封留侯

東觀漢記曰拜前將軍

文選

鄧禹為大司徒制曰孔子曰自吾有回也門人並親可封禹為鄴侯或與時抑揚或隱若

敵國

班固漢書叔孫通衍曰叔孫奉常與時抑揚勝不免胄禮義是創通為稷嗣君也東觀漢記曰吳漢

自初征伐兵有不利軍營不如意漢常獨結縈弓戟上時令入視吳公何為還言方作攻具上嘗嗟曰差強人

意隱若一敵國或策定禁中或功成野戰東觀漢記曰

矣封漢廣平侯帝宜承大統車騎將軍鄧騭定策禁中封騭為上蔡侯漢書鄧千秋曰曹參雖有野戰略地之功此特一時之

事又曰賜參爵或盛德如卓茂或師道如桓榮東觀漢記曰卓

列侯食邑平陽茂字子容南陽人也漢官儀注曰世祖中興特擢盛德南陽卓茂為大傅封宣德侯東觀漢記曰桓榮字春卿

沛國人也治歐陽尚書事九江朱或四姓侍祀已無足文剛窮極師道賜榮爵闔內侯

紀應劭漢官典職曰四姓侍祠侯顏氏家訓曰漢明帝時外戚有樊氏郭氏陰氏馬氏是為四姓謂之小侯

者或以侍祠非漢書曰成帝皆封五侯外戚且非舊章舅王譚王立王根

王達時王商為列侯五人同日封故世謂之五侯而臣之所附唯在恩澤漢書

侯表曰公孫弘自海瀕而陸既義異疇庸實榮機非儒者

登宰相寵以列侯之爵高祖功臣頌曰帝雖小人貪幸豈獨無心臣本自諸生

疇爾庸後嗣是膺東觀漢記曰相者謂班超曰祭酒布衣諸生家承素業耳董仲舒仕不遇賦曰若不反身於素業莫

隨世而轉輪門無富貴易農而仕東方朔戒子書曰飽乃祖

玄平道風秀世晉中興書曰范汪守玄平善言玄理為

吏部郎徒吏部尚書徐兗二州刺史

爰在中興儀刑多士

中興謂元帝也

位裁元凱任止牧伯

尚書即古

元凱也刺史即古牧伯也左傳太史克曰昔高陽氏有才子八人蒼舒隤數禱戲大臨龍降庭堅仲容叔達謂之八凱高辛氏有才子八人伯奮仲堪叔獻季仲伯虎仲熊叔豹季狸謂之八元

高祖少連夙

秉高尚

王生孺范氏譜曰汪生少連

所富者義所乏者時

富義謂殷干木已見

魏都賦漢書文帝曰惜李廣不逢時

薄宦東朝謝病下邑

王僧孺范氏譜曰少連太子舍

人餘杭令

先志不忘愚臣是庶且去歲冬初國學之老博士

耳今茲首夏將亞冢司

劉璠梁典曰齊永元初雲為廣州刺史因廢家居久之為國子

博士梁書曰天監元年雲遷散騎常侍吏部尚書

雖千秋之一日九遷荀爽之

十旬遠至

東觀漢記馬援與楊廣書曰車丞相高祖園寢郎一月九遷為丞相者知武帝恨誅衛太

子上書訟之然日當為月字之誤也范曄後漢書曰荀爽字慈明獻帝即位董卓輔政徵爽爽欲遁更持之急不得去因復就拜平原相行至宛陵復追為光祿勳視事三日進拜司空爽自被徵命及登台司九十五日

方之微臣未為速達臣雖無識唯利是視至於虧名損

實為國為身

尚書伊尹曰臣為上為德為下為民

知其不可不敢妄冒陞

下不棄管蒯愛同絲麻

左氏傳君子曰詩云雖有絲麻無棄管蒯雖有姬姜無棄憔悴

儻平生之言猶在聽覽宿心素志無復貳辭

嵇康幽憤詩曰內負

宿心王隱晉書甄彬奏曰不宜違人之素志

矜臣所乞特廻寵命則曩章載

穆微物知免臣今在假不容詰省不任荷懼之至謹奉表以聞臣雲誠惶以下

為蕭楊州作薦士表

蕭子顯齊書曰始安王遙北為楊州刺史劉瑒梁典曰齊

建武初有詔舉士始安王表薦琅邪王暕及王僧孺

任彥昇

臣王言臣聞求賢暫勞垂拱永逸

呂氏春秋曰賢主勞於求人而佚於治事

方之疏壤取類導川

孟子曰舜使禹疏九河禹掘地而注之海國語太子晉曰伯禹疏川導滯

伏惟陛下道隱

旒纁信充符璽

老子曰大象無形道隱無名河上公注曰道將隱使人無能指名也大戴禮曰孔子曰古者

繞而前旋所以蔽明也。註：統塞耳所以掩聽也。繞古見字。繞古續字音義並同。莊子曰：聖人治天下

為符璽以信之耳。

六飛同塵五讓高世

漢書爰盎謂文帝曰：陛下有高世之行，三陛下

從代乘六乘傳馳不測之淵，雖賁育之勇不及陛下。陛下至代，即西向讓天子者三。南向讓者再。夫許由一讓而陛下五以天下讓，過許由四矣。又曰：今陛下下騁六飛，馳不測老子曰：和其光而和其塵。白駒空谷

振鷺在庭

白駒已見桓元子薦燕元彥表毛詩曰：振鷺于飛。于彼西雍，戍客戾止，亦有斯容。

猶

懼隱鱗卜

祝藏器屠保

司馬遷書曰：僕之先人文史星歷，近乎卜祝之間。易曰：君子藏

器於身，待時而動。鵬冠子曰：伊尹酒保太公屠牛，皆海內荒亂立為世師。

物色闕下委求河

上

列仙傳曰：閻令尹喜為學老子西遊，先見其氣，知真人當過，物色而遮之，果得老子。晏子曰：治天下若委

表用賢委表之實祖公聽管仲而趙襄子信王登比之
謂委表然委表謂用賢也神仙傳曰河上公莫知其姓
名也常讀老子道德經
漢孝文帝駕從而詣之
非取製於一狐諒求味於蕪采

王褒講德論曰千金之裘非一狐之
腋張璠易注序曰竅蜂以兼采為味
五聲倦響九工是

詢驚子曰昔言大禹治天下以五聲
聽治九工已見王元長策秀才文
寢議廟堂借聽輿

阜說苑晉東郭氏曰肉食者失計於廟堂藿食得不肝
腦塗地班固漢書匈奴贊曰漢興忠言嘉謀之臣相

與議事於廟堂之上左氏傳曰晉
人聽與人之誦與阜已見射雉賦
臣位任隆重義蕪家

邦實欲使名實不違徼倖路絕
鄧析子曰猶名責實君
之事也奉法宣令臣之

職也徼倖已
見季今伯表
勢門上品猶當格以清談
說苑晏子曰陂
池之魚入於勢

門謝靈運求書序曰下品無高門上品無賤族王隱晉書曰祖約清談平裁老而不倦英俊下僚

不可限以位貌

左太冲詠史詩曰世胄
驍高位英俊沈下僚

竊見祕書丞琅

邪臣王暕年二十一字思晦七葉重光海內冠冕

梁書
曰儉

子暕字思晦何之元梁典曰侍中領右驍騎王暕字思
晦太尉大憲公長子也左僕射王暕字思叔文憲公次

子王筠為蕃碑亦云騫字思晦據此及梁書明梁典及
碑誤也晉中興書曰王祥弟覽覽生導導生治治生珣

珣生曇首沈約宋書曰王僧綽曇首長子過害于儉嗣
也尚書曰宣重光晉中興書庾冰疏曰臣因循家寵冠

世當神清氣茂允迪中和

淮南子曰神清者嗜欲不能
亂蔡洪張鈞狀曰錡質氣早

茂才幹足任尚書曰允迪厥德禮
日以樂德教國子中和祇庸考友叔寶理遣之談彥輔

名教之樂

臧策緒晉書曰衛玠字叔寶好言玄理拜太子洗馬常以人自不及可以情恕非意相干

可以理遣致終身不見喜愠之容世說曰王平子胡母彥國諸人皆以放任為達或去衣裸體樂廣曰名教中

自有樂地故以暉映先達領袖後進

孫盛晉陽秋曰裴秀有風操十餘歲

時人為之語曰後進領袖有裴秀

居無塵雜家有賜書

韋昭吳書曰劉基不妄定遊門

無雜賓漢書曰班彪幼與兄嗣共遊學家有賜書好古之士自遠方至

辭賦清新屬言玄

遠陸機陸雲別傳曰雲亦善屬文清新不及機而口辯持論過之臧策緒晉書曰阮籍雖放誕不拘禮教然

發言室邇人曠物疎道親

毛詩曰其室則迺其人甚遠尸文子曰處名位雖不肖不

患物不親己在貧賤不患物不疏己親疎係乎勢利不係乎不肖與仁賢也

養素丘園台階

虛位

養素已見謝宣遠送孔令詩

庠序公朝萬夫傾望

孟子曰夏曰校殷曰序周

曰庠學則三代共之曹植求親親表曰執政不廢於公朝

豈徒荀令可想李公不亡

而已哉

臧榮緒晉書曰荀顗字景倩潁陽人也魏太尉戎之第六子黃初末除中郎高祖輔政見顗異

之曰顗令君之子也近見表侃亦睢鄉之子也皆有父風范曄後漢書曰李固字子堅漢中南鄭人司徒郃之子少好學四方有志之士多慕其風前晉安郡侯官令而來學京師咸歎曰是復為李公矣

東海王僧孺字僧孺年三十五理尚棲約思致恬敏

王僧

孺年六歲解屬文梁興除鎮軍記室稍遷蘭陵太守卒於諮議

既筆耕為養亦傭書成

學

東觀漢記曰班超家貧為官傭寫書投筆歎曰大丈夫獨不効傳介子立功絕域之地以封侯安久筆耕乎

東觀漢記耕或為研范曄書曰班超為官傭書以供養
吳志曰嗣澤字德潤會稽人家世農夫至澤好學無以
資常為人傭書以供紙筆
所寫既畢而誦讀亦編
至乃集螢映雪編蒲緝柳

檀道

鸞晉陽春秋曰車盾字武子學而不倦資不常得油夏
月則練囊盛數十螢火以夜繼日焉孫氏世錄曰孫康
求資常映雪讀書清介交遊不雜漢書曰路溫舒取澤
中蒲戔為牒編用為書楚國先賢傳曰孫敬到洛在大
學左右一小屋安止母然
後入學編楊柳簡以為經
先言往行人物雅俗

易曰君子多識

前言往行以畜其德孫綽子武問人物曰蔡虛實審真
偽斷成敗定終始斯可謂之人物矣雅俗已見范雲讓
表
甘泉遺儀南宮故事

胡廣漢官制廣曰天子出車駕次第謂之鹵薄長安特出祠天

於甘泉用之名曰甘泉鹵薄范曄後漢書曰鄭弘為畫
為書今弘前後所陳皆補益著之南宮以為故事

畫

地成圖抵掌可述

漢書張安世子千秋為中郎將擊烏桓還謁大將軍霍光問戰鬪方略山

川形勢千秋口對兵事盡地成圖無所忘失戰國策曰蘇秦說趙王抵掌而言

豈直鼪廷鼠有

必對之辯竹書無落簡之謬

舉孝廉為郎世祖大會靈

臺得鼠如豹文熒熒光澤世祖異之以問群臣莫能知者攸對曰鼪鼠也詔問何以知之攸對曰見爾雅詔案祕書如攸言賜帛百匹張衡文士傳曰人有於嵩山下得竹簡一枚兩行科斗書人莫能識張華以問東晉曰此明帝顯節陵中策大驗校果然朝廷士庶皆服其博識焉

陳坐鎮雅俗弘益已多

僧孺訪對不休質疑斯在

班固漢書董仲舒述曰諫言訪對為世純儒太玄經曰爰

質所疑宋表曰質問也

並東序之祕寶瑚璉之茂器

書曰大玉夷玉天球河圖

在東序典引曰御東序之祕寶論語子貢問曰誠言以

賜也何如子曰汝器也曰何器也曰瑚璉也

人廢而才實世資論語子曰君子不以言舉人

不以人廢言解嘲曰鄙行頡頏而取世資班固漢書翟方進術曰臨表悚戰猶懼未允不任下情云

云

為褚諮議綦讓代兄襲封表

蕭子顯齊書曰褚綦字茂緒為義興太守

改封巴東郡表讓封貴子霽詔許之官至前將軍卒然此表與集詳畧不同疑是藁本辭多冗長

任彥昇

臣綦言昨被司徒符仰稱詔旨許臣兄貢所請以臣襲

封南康郡公臣門籍勲蔭光錫土宇臣賁世載承家允

鷹長德

蕭子顯齊書曰褚淵長子賁字對先官歷散騎常侍上表稱疾讓封與弟恭國語曰祭公謀父

曰夷世載德韋昭曰載成也易曰開國成家小人勿用左氏傳王子朝曰王后無嫡則擇立長年鈞以德德鈞

卜而深鑒止足脫屣千乘

老子曰知足不辱知止不殆吳都賦曰輕脫屣於千乘

遂乃遠謬推恩近萃庸薄能以國讓弘義有歸

左氏傳公子魚

曰能以國讓仁孰大焉

匹夫難奪守以勿貳昔武始迫家臣之策

陵陽感鮑生之言張以誠請丁為理屈

東觀漢記曰張純字伯仁建武

初先請闕封武始侯子奮字揖適兄根常被病純病困敕家丞俞司空無功爵不當傳嗣純薨大行移書問嗣

禽上書奪詔封奮奮上書曰根不病哀臣小稱病今禽
移臣人曰丁緄為陵陽侯薨長子鴻字季公讓位於弟
成逃去鴻初與九江鮑駿友善及鴻亡駿過於東海陽
狂不識駿駿乃止讓之曰今子以兄弟私恩而絕父不
滅之基可謂知乎鴻

且先臣以太宗絕緒命臣出纂傍

感悟垂涕乃還就國

統

禮記曰繼別為宗鄭玄曰別子之嫡也族人尊之謂之大宗是宗子也

東承在昔理絕

終天

天道無終而云終天永訣之辭也徐廣赴謝車騎
葬還詩曰潛墮既掩扉終天隔幽壤潘岳哀永逝

曰今奈何兮一舉
逝終天而子不反

永惟情事觸目崩隕若使賁高延陵

之風臣忘子臧之節

左傳曰吳子諸樊既除喪將立季
札對曰曹宣公之卒也諸侯與曹

不義曹君將立子臧子臧去之遂不為也以成曹君君
子曰能守節君義嗣也誰敢奸君有國非吾節也札雖

不才願附於
子臧之節

是廢德舉豈曰能賢

左氏傳曰宋公疾召大司馬孔父而屬殤

公馬對曰犀臣願奉馮也公曰先君以寡人為賢使主社稷若棄德不讓是廢先君之舉豈曰能賢 陞

下察其丹款特賜停絕

丹款已見廣元規表

不然投身草澤苟遂

愚誠耳

謝承後漢書曰朱寵隱身草澤

不任丹慊之至謹詣闕拜表以

聞臣誠惶誠恐以下

為范始興作求立太宰碑表

吳均齊春秋曰竟陵大宣王子良薨西昌

侯以天子命假黃鉞贈太宰蕭子顯齊書曰建武中改史范雲上表為子良立碑事不行

任彥昇

臣雲言原夫存樹風猷沒著徽烈

尚書曰彰善癉惡樹之風聲應域與王將

軍書曰雀鼠雖愚猶知徽烈

既絕故老之口必資不刊之書

西征賦曰非惟

秦明邑號千人訃諸故老造自帝詞杜預傳序曰左丘明受經於仲尼以為經者不刊之書也

而藏諸

名山則陵谷遷貿

司馬遷書曰僕誠以著此書藏諸名山毛詩曰高岸為谷深谷為陵

府

之延閣則青編落簡

劉歆七略曰孝武皇帝敕丞相公孫弘廣開藏書之路百年之間書

積如山故內則延閣廣內祕書之府又曰尚書有青絲編目錄

然則配天之迹存乎泗

水之上

漢書平紀曰郊祀高祖以配天鄼善長水經注曰泗水南有泗水亭漢高祖廟前有碑延熹十

立年素王之道紀於沂川之側

家語南宮敬叔曰孔子生於衰周讚明易道以為法

或者天將欲素王之乎何其盛也沂水南有孔子舊廟漢魏以來列七碑二碑無字由是崇師之

義擬迹於西河

禮記曾子謂子夏曰事夫子於洙泗之間退而老于西河之上使西河之人擬

汝於夫子七畧西河燕趙之間

尊主之間致之於堯禹

尊主謂伊尹也恥其君不如堯

舜已見曹子建通親親表禹亦聖帝故連言之

故精廬宴啟必窮鐫勒之盛

漢記

曰王阜年十一辭父母欲出精廬以尚幼不許荊州圖曰陰令劉喜魏時宰縣雅好博古教學立碑

君長

一城亦盡刊刻之美

陳寔別傳曰寔卒恭邕為立碑刻銘然寔為太丘宰故曰一城也

況乎甄陶周召孕育伊顏

周公召公伊尹顏回也典引曰孕虞育夏甄殷陶周

故

太宰竟陵文宣王臣某與存與亡則義形社稷

漢書文帝即位

絳侯為丞相爰盎進曰丞相何如人上曰社稷臣盎曰絳侯所謂功臣非社稷臣主存與存主亡與亡如淳曰

人主在時與共治不以嚴天配帝則周公其人考
主亡而不行其政令也

子曰孝莫大於嚴父嚴父莫大於配天則周公其人也
昔者周公郊祀后稷以配天宗祀文王於明堂以配上

帝體國端朝出藩入守進思必告之道退無苟利之專

尚書曰爾有嘉謀嘉猷則入告爾后于內公羊傳曰大
夫出境有可以安社稷利國家者則專之可也左氏傳

曰子產曰苟利社稷生死以之五教以倫百揆時序
尚書帝曰契汝

教在寬又曰納于百揆百揆時序若夫一言一行盛德之風
孟子曰舜

見一善行若決江河沛然莫之能禦也易云日新之謂盛德
琴書藝業述作之茂

漢書曰鄭眾字次都琴書自樂禮記曰作者之謂聖述者之謂明明聖者述作之謂也

道非兼濟

事止樂善亦無得而稱焉

周易曰智周萬物而道濟天下東觀漢記曰上嘗問東平

王蒼曰在家何業最樂者蒼對曰為善最樂上嗟嘆之論語曰齊景公有馬千駟死之日民無得而稱焉人

之云亡忽移歲序

詩曰人之云亡邦國殄瘁

鷓鴣東徙松檟成行

言成

王未知周公之意類鬱林之嫌子良而周公有后攝之情由子良有代宗之議政假鷓鴣以喻焉吳均齊春秋曰鬱林王即位子良謝疾不視事帝嫌之又潘敞以仗防之子良既有代宗議憂懼不敢朝事而子良薨毛詩序曰鷓鴣周公救亂也成王未知周公之志乃作詩以遺王名之曰鷓鴣焉說苑曰巢與鷓鴣相遇鷓鴣曰子安之巢曰我將東徙鷓鴣曰何巢曰西方之人皆惡我聲鷓鴣曰子鳴於是鳴鷓鴣曰子改鳴則可不改子鳴雖東徙猶惡

子也左傳伍子
胥曰掛吾墓櫟

六府臣僚三藩士女

蕭子顯齊書曰子良為輔國將軍征

虜將軍竟陵王鎮北將軍征北將軍護軍將軍斯謂六府子良又為會稽太守南徐州刺史又南兖州刺史斯

謂之三藩也

人蓄油素家懷鉛筆

油素已見吳都賦葛洪與梁相牋曰曹廣寢懷鉛筆

行謁瞻彼景山徒然望慕

景山謂塢也毛詩曰陟彼景山劉楨贈五官中郎將詩曰

望慕結不解

昔晉氏初禁立碑

晉今曰諸葬者不得作祠堂碑石獸魏舒之亡

亦從班列而阮略阮泯故首冒嚴科為之者竟免刑戮

致之者反蒙嘉歎

陳蒙志曰阮畧字德規為齊國內史為政表賢黜惡化風大行卒於郡齊

人欲立碑時官制嚴峻自司徒魏舒以下皆不得立齊人思畧不已遂共冒禁樹碑然後詣闕待罪朝廷聞之

尤歎美其忠

至於道被如仁功叅微管本宜在常均之外

仁如

微管竝見上傳季友修張良教

故太宰淵丞相疑親賢竝舉即為成規

褚淵碑即玉檢所制蕭子顯齊書曰豫章文獻王薨字宣儼亮贈丞相南陽樂蔭為建立碑第二子松託沈約

及孔稚圭為文乞依二公前例賜許刊立寧容使長想九原樵

蘇罔識其禁駐蹕長陵輶軒不知所適

禮記曰趙文子與叔譽觀乎九

原文子曰死者如可作也吾誰與歸戰國策頗蠋謂齊王曰秦攻齊今日敢有去柳下季墓五十步樵採者罪

死不赦東觀漢記和帝詔曰高祖功臣蕭曹為首朕望長陵東門見二臣之壠感焉

臣里閭孤賤

才無可甄值齊網之弘弛賓客之禁

范曄後漢書曰建武中禁網尚寬諸

王既長各招引賓客

策名委質忽焉二紀

左氏傳狐突曰策名委質其貳乃辟慮先

犬馬厚恩不答

列女傳曰梁寡高行曰妾之夫不幸早死先犬馬填溝壑矣貞節曰人受命於

天而命長犬馬受命于天而命短妾之夫反先犬馬死矣

而嫠帷毀蓋未蓐

螻蛄

仲尼曰吾聞之弊帷不棄為埋馬也弊蓋不棄為埋狗也戰國策安陵君謂楚王曰犬馬臣願得式黃泉蓐螻蛄

蟻延叔堅戰國策論語曰為王先

珠襦玉匣遽飾幽泉

用填黃泉為王作蓐以御螻蟻

西京雜記曰漢帝及諸侯王送死皆珠襦玉匣匣形如鐘甲連以金縷皆鑲為交龍鸞鳳龜龍之形所謂交龍

陵

南浦迎喪北陵送葬

既曲逢前施實仰觀後澤儻驗杜預山頂

之言庶存馬駿必拜之感

襄陽記曰杜元凱好為身後名常自言百年後必高岸為

谷深谷為陵作二碑敘其平吳勲一沈萬山下一沈峴山下謂叅佐曰何知後代不在山頭乎臧榮緒晉書曰扶風王駿字子臧宣帝第七子也都督雍涼州諸軍事後亮民吏樹碑讚述德範長老見碑者無不拜之言其

道愛如此臨表悲懼言不自宣臣誠惶以下



文選卷三十八